

四庫全書

子部

欽定四庫全書

子部

本草綱目卷十六

詳校官大醫院其禮臣表天錫

編修臣倉聖脈覆勘

總校官庶吉士臣何思鈞

校對官主事臣陳文樞

謄錄監生臣宋學濂

欽定四庫全書

本草綱目卷十六目錄

草之五

隰草類下七十三種

地黄

本經
面莽附
明

牛膝

本經

紫苑

本經

女苑

本經

麥門冬

本經

萱草

嘉祐

槌胡根

拾遺

淡竹葉

綱目

鴨跖草

嘉祐即
作葉菜

冬葵

本經

蜀葵

嘉祐

兔葵

唐本

黃蜀葵

嘉祐

龍葵 唐本

龍珠 拾遺

酸漿 本經 即
燈籠草

蜀羊泉 本經

鹿蹄草 綱目

敗醬 本經
即苦菜

迎春花 綱目

款冬花 本經

鼠麴草

日華
即米
麴佛耳草

決明

本經

地膚

本經
即落帚

瞿麥

本經

王不留行

別錄

剪春羅

綱目

金盞草

綱目

葶藶

本經

車前 本經

狗舌草 唐本

馬鞭草 別錄
即龍牙

蛇含 本經

女青 別錄

鼠尾草 別錄

狼把草 開寶

狗尾草 綱目

鱧腸

唐本
即
早蓮草

連翹

本經

陸英

本經

蒴藿

別錄

水英

圖經

藍

本經

藍澱

綱目

青黛

開寶
雀翹附

甘藍 拾遺

蓼 本經

水蓼 唐本

馬蓼 綱目

紅草 別錄

毛蓼 拾遺

海根 拾遺

火炭母草 圖經

三白草

唐本

懸蔞草

拾遺

蛇苒草

拾遺

虎杖

別錄

猶草

拾遺

篇蓄

本經

蓋草

本經

疾藜

本經

穀精草

開寶

海金沙

嘉祐

地楊梅

拾遺

水楊梅

綱目

地蜈蚣

綱目

半邊蓮

綱目

紫花地丁

綱目

鬼錢草

拾遺

獨用將軍

唐本留
軍待附

見腫消

圖經

攀倒甌

圖經

水甘草

圖經

右附方舊一百七十一新二百九十一

本草綱目卷十六目錄

欽定四庫全書

本草綱目卷十六

明 李時珍 撰

草之五

隰草類下
七十三種

地黄

本經
上品

釋名芩

音戶芩

音起地髓

本經大明曰生者以水浸驗之
浮者名天黃半浮半沈者名人

黃沈者名地黃入藥沈者為佳半沈者次之浮者不
堪時珍曰爾雅云芩地黃郭璞云江東呼為芩羅願

云芩以沈下為
珍貴故字從下

集解

別錄曰地黃生咸陽川澤黃土地者佳二月八月採根陰乾弘景曰咸陽即長安也生渭城者

乃有子實如小麥今以彭城乾地黃最好次歷陽近用江寧板橋者為勝作乾者有法搗汁和蒸殊用工意而此云陰乾恐以蒸作為失乎人亦以牛膝萹薹作之人不能別頌曰今處處有之以同州者為上二月生葉布地便出似車前葉上有皺文而不光高者及尺餘低者三四寸其花似油麻花而紅紫色亦有黃花者其實作房如連翹中子甚細而沙褐色根如人手指通黃色粗細長短不常種之甚易根入土即生一說古稱種地黃宜黃土今不然大宜肥壤虛地則根大而多汁其法以葦席圍編如車輪徑丈餘以壤土實葦席中為壇壇上又以葦席實土為一級比下壇徑減一尺如此數級如浮屠乃以地黃根節多者寸斷之蒔壇上層層令滿逐日水灌令茂盛至春秋分時自上層取之根皆長大而不斷折不被斲傷

故也得根暴乾出同州者光潤甘美宗奭曰地黃葉如甘露子花如脂麻花但有細斑點北人謂之牛奶子花莖有微細短白毛時珍曰今人惟以懷慶地黃為上亦各處隨時興廢不同爾其苗初生塌地葉如山白菜而毛瀋葉面深青色又似小芥葉而頗厚不久了葉中攏莖上有細毛莖稍開小筒子花紅黃色結實如小麥粒根長四五寸細如手指皮赤黃色如羊蹄根及葫蘿蔔根曝乾乃黑生食作土氣俗呼其苗為婆婆奶古人種子今惟種根王冕山居錄云地黃嫩苗摘其旁葉作菜甚益人本草以二月八月採根殊未窮物性八月殘葉猶在葉中精氣未盡歸根二月新苗已生根中精氣已滋於葉不如正月九月採者味好又與蒸曝相宜禮記云羊苜蓿則自古已食之矣嘉謨曰江浙壤地種者受南方陽氣質雖光潤而力微懷慶山產者稟北方純陰皮有疙瘩而力大

乾地黄修治

藏器曰乾地黄本經不言生乾及蒸乾方家所用二物各別蒸乾即溫補生乾

即平宣當依此法用時珍曰本經所謂乾地黄者即生地黃之乾者也其法取地黃一百斤擇肥者六十斤洗淨晒令微皺以揀下者洗淨木臼中搗絞汁盡投酒更搗取汁拌前地黃日中晒乾或火焙乾用

氣味甘寒無毒

別錄曰苦權曰甘平好古曰甘苦寒氣薄味厚沈而降陰也入手足少陰

厥陰及手太陽之經酒浸上行外行日乾者平火乾者溫功用相同元素曰生地黃大寒胃弱者斟酌用之恐損胃氣之才曰得清酒麥門冬良惡貝母畏蕪黃權曰葱蒜蘿蔔諸血令人營衛溫鬚髮白髮曰忌銅鐵器令人腎消并髮白男損營女損衛時珍曰薑汁浸則不泥膈酒制則不妨鮮用則寒乾用則涼

主治傷中逐血痺填骨髓長肌肉作湯除寒熱積聚

除痺療折跌絕筋久服輕身不老生者尤良

本經主男

子五勞七傷女子傷中胞漏下血破惡血溺血利大

小腸去胃中宿食飽力斷絕補五臟內傷不足通血

脈益氣力利耳目

別錄

助心膽氣強筋骨安魂定魄治

驚悸勞劣心肺損吐血鼻衄婦人崩中血運

大產後

腹痛久服變白延年

甄權

涼血生血補腎水真陰除皮

膚燥去諸濕熱

元素

主心病掌中熱痛脾氣痿蹇嗜臥

足下熱而痛治齒痛唾血

好古

生地黃氣味大寒主治血崩產後血薄心悶絕胎動下血胎不落墜墮踈折瘀血留血鼻衄吐血皆搗飲之

別錄解諸熱通月水利水道搏慙腹能消瘀血

甄權

發明

好古曰生地黃入手少陰又為手太陽之劑故錢仲陽瀉兩火與木通同用以導赤也諸經之

血熱與他藥相隨亦能治之溺血便血皆同權曰病人虛而多熱者宜加用之戴原禮曰陰微陽盛相火熾強未乘陰位日漸煎熱為虛火之證者宜地黃之屬可以滋陰退陽宗奭曰本經只言乾生二種不言熱者如血虛勞熱產後虛熱老人中虛燥熱者若與生乾當慮太寒故後世改用蒸曝熟者生熟之功殊別不可不詳時珍曰本經所謂乾地黃者乃陰乾日乾火乾者故又云生者尤良別錄復云生地黃者乃

新掘鮮者故其性大寒其熟地黄乃後人復蒸晒者諸家本草皆指乾地黄為熟地黄雖主治證同而涼血補血之功稍異故今別出熟地黄一條於下

熟地黄

修治

頌曰作熟地黄法取肥地黄三二十斤淨洗別以揀下瘦短者三二十斤

搗絞取汁投石器中浸漉令決甑上浸三四過時時浸漉轉蒸訖又暴使汁盡其地黄當光黑如漆味甘如飴須甑器收之以其脂柔喜潤也穀曰采生地黃去皮甑鍋上柳木甑蒸之攤令氣歇拌酒再蒸又出令乾勿犯銅鐵器令人腎消并髮白男損營女損衛也時珍曰近時造法揀取沈水肥大者以好酒入宿砂仁末在內拌勻柳木甑於瓦鍋內蒸令氣透眼乾再以砂仁酒拌蒸眼如此九蒸九眼乃止蓋地黄性泥得砂仁之香而攝合和五臟沖和之氣歸宿丹田故也今市中惟以酒蒸熟售者不可用

氣味甘微苦微溫無毒

元素曰甘微苦寒微酒力酒蒸則微溫而大補味厚氣薄

陰中之陽沈也入手足少陰厥陰之經治外治上須酒制忌蘿蔔蔥蒜諸血得牡丹皮當歸和血生血涼

血滋陰補髓

主治填骨髓長肌肉生精血補五臟內傷不

足通血脈利耳目黑鬚髮男子五勞七傷女子傷中

胞漏經候不調胎產百病

時珍

補血氣滋腎水益真陰

去臍腹急痛病後脛股酸痛

元素

坐而欲起目眈眈無

所見好

古

發明

元素曰地黃生則大寒而涼血血熱者須用之熱則微溫而補腎血衰者須用之又臍下痛屬

腎經非熱地黃不能除乃通腎之藥也好古曰生地黃治心熱手足心熱入手足少陰厥陰能益腎水涼心血其脈洪實者宜之若脈虛者則宜熟地黃假火力蒸九數故能補腎中元氣仲景六味丸以之為諸藥之首天一所生之源也湯液四物湯治歲血之臟以之為君者癸乙同歸一治也時珍曰按王碩易簡方云男子多陰虛宜用熟地黃女子多血熱宜用生地黃又云生地黃能生精血天門冬引入所生之處熟地黃補精血用麥門冬引入所補之處虞博醫學正傳云生地黃生血而胃氣弱者服之恐妨食熟地黃補血而痰飲多者服之恐泥膈或云生地黃酒炒則不妨胃熟地黃薑汁炒則不泥膈此皆得用地黃之精微者也頌曰崔元亮海上方治一切心痛無問新久以生地黃一味隨人所食多少搗絞取汁搜麩作餌既或冷淘食良久當利出虫長一尺許頭似壁宮後不復患矣昔有人患此病二年深以為恨臨終

戒其家人吾死後當剖去病本從其言果得虫置於竹節中每所食皆飼之因食地黃飴既亦與之隨即壞爛由此得方劉禹錫傳信方亦紀其事云貞元十年通事舍人崔抗女患心痛垂絕遂作地黃冷淘食便吐一物可方寸七狀如鬚墓無足目似有口遂愈冷淘勿着鹽

附方

舊十三新五十一

服食法

地黃根淨洗搗絞汁煎令稠入白蜜更煎令可丸如梧

子大每晨温酒送下三十九日三服亦可青州棗和丸或別以乾地黃末入膏丸服亦可百日面如桃花三年身輕不老抱朴子云楚文子服地黃八年夜視有光

地黃煎

補虛除熱治吐血唾血取乳石去癰癩等疾生地黃不拘多少三搗三壓取汁令盡以瓦

器盛之密蓋勿洩氣湯上煮減半絞去滓再煎如錫丸彈子大每温酒服一丸日二服 千金

地髓煎

生地黃十斤洗淨搗壓取汁鹿角膠一斤半生薑半斤絞取汁蜜二升酒四升文武火煮

地黃汁數沸即以酒研紫蘇子四兩取汁入煎一二

十沸下膠膠化下薑汁蜜再煎候稠瓦器盛之每空

心酒化一匕服
大補益 同上

地黃粥

大能利血生精地黃切二合與米同入罐中煮之候熟以酥二合蜜一合同炒香入內再

煮熟食囉

仙神隱

地黃酒

見穀部酒下

璚玉膏

常服開心益智髮白返黑齒落更生辟穀延年治癰疽勞

瘵欬嗽唾血等病乃鐵甕城中先生方也生地黃汁

十六斤取汁入參末一斤半茯苓末三斤白沙蜜

十斤搗淨拌勻入瓶內箬封安砂鍋中桑柴火煮三
日夜再換蠟紙重封浸井底一夜取起再煮一伏時

每以白湯或酒點服一匙丹溪云好色虛人欬嗽唾血者服之甚捷國朝太醫院進御服食議加天門冬

麥門冬枸杞子末各一斤賜名益明目補腎生苳熟壽永真曜仙方加琥珀沈香半兩

兩川椒紅一兩為末蜜丸梧桐子大固齒烏鬚一治每空心鹽湯下三十九普濟方

二生津液三變白鬚其功極妙地黃五斤柳木甑內以土蓋上蒸熟晒乾如此三次擣為小餅每噉一

枚御男女虛損或大病後或積勞後四體沈滯骨藥院方肉酸痛呼吸少氣或小腹拘急腰

背強痛咽乾唇燥或飲食無味多臥少起久者積年輕者百日漸至瘦削用生地黃二斤麩一斤搗爛炒

乾為末每空心酒服方寸七虛勞困乏地黃一石取日三服忌如法肘後方

勻煎收日服病後虛汗口乾心躁熟地黃五兩水三蓋煎一蓋半分三服一日盡

聖方 骨蒸勞熱 張文仲方用生地黃一斤搗三度絞

外臺 婦人發熱 欲成勞病肌瘦食減經候不調地髓

秘要 大每酒服五十 婦人勞熱 心松地黃煎用生乾地黃

丸 保慶集 自然汁入水相和打糊丸梧子大每服三十九丸用地

黃湯下或酒醋茶湯下亦可日二服覺臟腑虛冷則

晨服八味丸地黃性冷壞脾陰虛則 欬嗽唾血 勞瘦

發熱地黃補陰血故也 婦人良方 欬嗽唾血 骨蒸

日晚寒熱生地黃汁三合煮白粥臨熱 吐血欬嗽 熟

入地黃汁攪勻空心食之 食醫心鏡 吐血欬嗽 地

黃末酒服一錢 聖惠方 吐血不止 生地黃汁一升二合白膠

日三 今膠消服 肺損吐血 或舌上有孔出血生地黃八兩

之 梅師 取汁童便五合同煎熟入鹿角

膠炒研一
兩分三服
心熱吐衄
脈洪數者生芩汁半升熬至一
合入大黃末一兩待成膏丸梧

子大每熟水下五丸
至十丸
並聖惠方
鼻出血
乾地黃地龍薄荷等
分為末冷水調下

孫兆秘
吐血便血
地黃汁六合銅器煎沸入牛皮膠
寶方
一兩待化入薑汁半盃分三服便

止或假轉一行
不妨
聖惠方
腸風下血
生地黄熟地黃並酒浸五
子等分為末以煉蜜丸

梧子大每酒下七
十丸
百一選方
初生便血
小兒初生七八日大小
便血出乃熱傳心肺不

可服涼藥只以生地黃汁五七匙
半匙蜜半匙和服之
全幼心鑑
酒
小便尿血
吐血及耳

鼻出血生地黄汁半升生薑汁
半合蜜一合和服
聖惠方
小便血淋
生地黄黃汁
車前葉汁

各三合和煎
服
聖惠方
小兒蠱痢
生芩汁一升二合分三月
四服立効
子母秘錄
水

不止

生地黃汁每服一盞酒一月經不調久而無子
蓋煎服日二次千金方乃衝任伏

熟也熟地黃半斤當歸二兩黃連一兩並酒浸一夜
焙研為末煉蜜丸梧子大每服七十丸米飲溫酒任

下禹 方妊娠漏胎下血不止百一方用生地黃汁一
升漬酒四合煮三五沸服之不止

又服崔氏方用生地黃為末酒服方寸匙日一夜
經心錄加乾薑為末保命集二黃丸用生地

黃熟地黃等分為末每服半兩白 妊娠胎痛任脈虛
術枳殼煎湯空心調下日二服

惟宜抑陽助陰內補凡用熟地黃二兩當歸一兩微
炒為末梧子大每溫酒下三十丸許學士本事方

妊娠胎動生地黃搗汁煎沸入雞子 產後血痛有塊
白一枚攪服聖惠方并經

脈行後腹痛不調黑神散用熟地黃一斤陳生薑半
斤同炒乾為末每服二錢溫酒調下婦人良方

產後惡血

不止乾地黃搗末每食前熟酒
服一錢連進三服 瑞竹堂方 產後中風

脇不得轉交加散用生地黃五兩研汁生薑五兩取
汁交互相浸一夕次日各炒黃浸汁乾乃焙為末每

酒服一方寸 產後煩悶 乃血氣上沖生地黃汁清酒
匙 濟生方 各一升相和煎沸分二服

集驗 產後百病 地黃酒用地黃汁漬麴二升淨秫米
方 二斗令發如常釀之至熟封七日取

清常服令相接忌生冷鮮雞豬肉一切毒物 胞衣
未產先一月釀成夏月不可造 千金翼方

不出 生地黃汁一升苦酒三 寒疝絞痛 來去用烏雞
合相和暖服 必效方 一隻治如常

法生地黃七斤剉細甑中同蒸下以銅器承取汁清
旦服至日脯令盡其間當下諸寒癖訖作白粥食之

久疝者作三 小兒陰腫 以蔥椒湯煖處洗之唾調地
劑 時後方 黃末傅之外腎熱者雞子清

調或加牡蠣少
許危氏方
小兒熱病
壯熱煩渴頭痛生地黄汁
三合蜜半合和勻時時與

服普熱暈昏沈
地黃汁一
熱瘴昏迷
煩悶飲水不
蓋服之
止至危者一

濟方
服見效生地黃根生薄荷葉等分搗爛取自然汁入
麝香少許并華水調下覺心下頓涼勿再服
普濟

方溫毒發斑
黑膏治溫毒發斑嘔逆生地黄二兩六錢
二字半好豆豉一兩六錢二字半以

猪膏十兩合之露一夜煎減三分之一絞去滓入雄
黃麝香如豆大攪勻分作三服毒從虛中出則愈忌

蕪蕘
千金方血熱生癬
地黃汁頻服
疔腫乳癰
地黃搗敷
之
千金方
之熱即易

性涼消腫無不
效梅師方
癰癤惡肉
地黃三斤水一斗煮取三
升去滓煎稠塗紙上貼之

日三易
鬼遺方一切癰疽
及打撲傷損未破疼痛者以生地
黃杵如泥攤在上搽木香末於中

又攤地黃泥一重貼之不過三五度即內消也 王袞博濟方打撲損傷 骨碎及筋

地黃熬膏裹之以竹簡編夾急縛勿令轉動一日一夕可十易之則瘥 類說云許元公過橋墮馬右臂

白脫左右急接入臼中昏迷不知痛苦急召田錄事視之曰尚可救乃以藥封腫處中夜方甦達旦痛止

痛處已白日日換貼其瘀腫移至肩背乃以藥下去黑血三升而愈即上方也 出肘後方中 損傷打

撲瘀血在腹者用生地黃汁三升酒一升半煮二升半分三服 出千金方 物傷睛突者

臉胞腫痛重者目睛突出但目系未斷者即納入急搗生地黃綿裹傅之仍以避風膏藥護其四邊 聖

濟總錄 睡起目赤 睡起良久如常者血熱也臥則歸於肝故熱則目赤腫良久血散故如常

也用生地黃汁浸粳米半升晒乾三浸三晒每夜以米煮粥食一盞數日即愈有人病此用之得效醫餘

眼暴赤痛

水洗生地黃黑豆各二兩搗膏臥時以鹽湯洗目閉目以藥厚卷目上至曉水潤取

下聖濟總錄

蓐內赤目

生地黃薄切溫水浸貼

牙疳宣露

膿血口氣

生地黃一斤鹽二合末自搗和團以麩包煨令煙斷去麩入麝一分研勻日夜貼之

聖濟錄 牙齒

挺長

出一分者常咋生地黃甚妙

張文仲備急方 牙動欲脫

生地黃綿裹唾之令汁漬

根并燕之日五六次 千金方

食蟹齧腫

肉弩出者生地黃汁一盃牙皂角數條火灸煎盡地

黃汁為末傳之 永類方

耳中常鳴

生地黃截塞耳中日數易或煨熟尤妙

肘後方 鬚

髮黃赤

生地黃一斤生薑半斤各洗研自然汁留滓用不蛀皂角十條去皮弦煎汁炙至汁盡為

度同滓入罐內泥固煨存性為末用鐵器盛末三錢湯調停二日臨臥刷染鬚髮上即黑 本事方 竹

木入肉

生地黃嚼爛卷之救急方

毒箭入肉

煎生地黃汁作丸服至百日箭出

千金

獠犬咬傷

地黃搗汁飯餅塗之百度愈百一方

葉主治惡瘡似癩十年者搗爛日塗鹽湯先洗

千金方

時珍曰按抱朴子云韓子治用地黃苗喂五十歲老馬生三駒又一百三十歲乃死也張鷟朝野僉載云堆被鷹傷銜地黃葉點之虎中藥箭食清泥解之鳥獸猶知解毒何況人乎

實主治四月採陰乾搗末水服方寸七日三服功與

地黃等

蘇頌弘景曰出渭城者有子淮南七精丸用之

花主治為末服食功同地黃

蘇頌腎虛腰痛為末酒

服方寸七日三

時珍

附方

新一內障青盲

風赤生翳及墜眼日久瞞損失明地黃花晒黑豆花晒槐花晒各一

兩為末猪肝一具同以水二斗煮至上有凝脂掠盡瓶收每點少許三四次 聖惠方

附錄胡面莽

拾遺藏器味甘溫無毒主去瘰癧及冷氣止腹痛煮服生嶺南葉如地黃

牛膝

本經上品

釋名牛莖

廣雅百倍

本經山萑菜

救荒對節葉

宏景曰其莖有節似牛膝

故以為名時珍曰本經又名百倍隱語也言其滋補之功如牛之多力也其葉似萑其節對生故俗有山

萑對節之稱

集解

別錄曰牛膝生河內川谷及臨朐二月八月十月採根陰乾普曰葉如夏藍莖本赤宏景曰今

出近道蔡州者最長大柔潤其莖有節莖紫節大者為雄青細者為雌以雄為勝大明曰懷州者長白蘇州者色紫頌曰今江淮閩粵關中亦有之然不及懷慶者為真春生苗莖高二三尺青紫色有節如鶴膝及牛膝頭葉尖圓如匙兩兩相對於節上生花作穗秋結實甚細以根極長大至三尺而柔潤者為佳莖葉亦可單用時珍曰牛膝處處有之謂土牛膝不堪服食惟北土及川中人家栽蒔者為良秋間收子至春種之其苗方莖暴節葉皆對生頗似莧葉而長且尖觴秋月開花作穗結子狀如小鼠負虫有濇毛皆貼莖倒生九月末取根水中浸兩宿按去皮裏紫暴乾雖白直可貴而按去白汁入藥不如留皮者力大也嫩苗可作菜茹

根修治數曰凡使去頭蘆以黃精自然汁浸一宿漉

行則生用滋補則焙
用或酒拌蒸過用

氣味苦酸平無毒

普曰神農甘雷公酸無毒李當之
温之才曰惡螢火龜甲陸英畏白

前忌牛肉主治寒濕痿痺四肢拘攣膝痛不可屈伸逐血

氣傷熱火爛墮胎久服輕身耐老本經療傷中少氣男

子陰消老人失溺補中續絕益精利陰氣填骨髓止

髮白除腦中痛及腰脊痛婦人月水不通血結別錄治

陰痿補腎助十二經脈逐惡血甄權治腰膝軟怯冷弱

破癥結排膿止痛產後心腹痛并血運落死胎

大明強

筋補肝臟風虛

好古

同茯苓浸酒服益腎竹木刺入肉

嚼爛卷之即出

宗爽

治久瘡寒熱五淋尿血莖中痛下

痢喉痺口瘡齒痛癰腫惡瘡傷折

時珍

發明

權曰病人虛羸者加而用之震亨曰牛膝能引諸藥下行筋骨痛風在下者宜加用之凡用土

牛膝春夏用葉秋冬用根惟葉汁效尤速時珍曰牛膝乃足厥陰少陰之藥所主之病大抵得酒則能補肝腎生用則能去惡血二者而已其治腰膝骨痛足痿陰消失溺久瘡傷中少氣諸病非取其補肝腎之功歟其瘕瘕心腹諸痛癰腫惡瘡金瘡折傷跌齒淋痛尿血經候胎產諸病非取其去惡血之功歟按陳

日華經驗方云方夷吾所編集要方予刻之臨汀後
在鄂渚得九江守王南強書云老人久苦淋疾百藥
不效偶見臨汀集要方中用牛膝者服之而愈又葉
朝議親人患血淋流下小便在盆內凝如蒟蒻久而
有變如鼠形但無足耳百治不效一村醫用牛膝根
煎膿汁日飲五服名地髓湯雖未即愈而血色漸淡
久乃復舊後十年病又作服之又瘥因檢本草見肘
後方治小便不利莖中痛欲死用牛膝并葉以酒煮
服之今再拈出表其神功又按楊士瀛直指方云小
便淋痛或尿血或沙石脹痛用川牛膝一兩水二盞
煎一盞溫服一婦患此十年服之得
效土牛膝亦可或入麝香乳香尤良

附方

舊十三
新八

勞瘡積久

不止者長牛膝一握生切以
水六升煮二升分三服清早

一服未發前一服臨
發時一服外臺秘要

消渴不止

下元虛損牛膝五兩
為末生地黃汁五升

浸之日曝夜浸汁盡為度蜜丸梧子大每空心温酒
下三十九丸久服壯筋骨駐顏色黑髮津液自生

驗方**卒暴癥疾**腹中有如石刺晝夜啼呼牛膝二斤以
酒一斗漬之密封了灰火中温令味出

每服五合至一升**痢下腸蠱**凡痢下應先白後赤若
隨量飲肘後方**洗切煨搗**

二兩搗碎以酒一升漬經一宿**婦人血塊**土牛膝根
每服一兩五日三服肘後方

為末酒煎温服極效福州**女人血病**萬病丸治女人
人單用之圖經本草

不來遠臍寒疝痛及產後血氣不調腹中結癥癥不
散諸病牛膝酒浸一宿煨乾漆炒令烟盡各一兩為

末生地黃汁一升入石器內慢火熬至可丸丸
如梧子大每服二九空心米飲下**拔萃方**婦人

陰痛牛膝五兩酒三升煮取一升**生胎欲去**牛膝一
半去滓分三服千金方握搗以

無灰酒一盞煎七分空心服仍以獨根
土牛膝塗麝香神入北戶中婦人良方
胞衣不下牛膝

八兩葵子一合水九升煎
三升分三服 延年方
產後尿血 川牛膝水煎頻

喉痺乳蛾 新鮮牛膝根一握艾葉七片搗和人乳取
汁灌入鼻內須臾痰涎從口鼻出即愈無

艾亦可 一方牛膝
搗汁和陳酢灌之 口舌瘡爛 牛膝浸酒含漱亦牙

齒疼痛 牛膝研末含漱亦
可燒灰 千金方 折傷閃肭 土牛膝搗卷之

金瘡作痛 生牛膝搗敷立
止 梅師方 卒得惡瘡 人不識者牛膝

金癰癤已潰 用牛膝根畧刮去皮插入瘡口中留半
寸在外以嫩橘葉及地錦草各一握搗

其上牛膝能去惡血二草溫涼止痛隨乾
隨換有十全之功也 陳日華經驗方 風瘙癩疹

及痞癰牛膝末
寸匕日三服

酒服方
千金方
骨疽癩病
方同上

莖葉氣味

缺

主治寒濕痿痺老瘡淋悶諸瘡功同根

春夏宜用之

時珍

附方

舊三新一

氣濕痺痛

腰膝痛用牛膝葉一斤切以米三合於豉汁中煮粥和鹽醬空

腹食之

老瘡不斷

牛膝莖葉一把切以酒三升漬服令微有酒氣不即斷更作不過三

劑止

溪毒寒熱

東間有溪毒中人似射工但無物初病惡寒發熱煩懊骨節強痛不

急治生虫食臟殺人用雄牛膝莖紫色節大者一把以酒水各一盃同搗絞汁溫飲一日三服 肘後方

眼生珠管

牛膝并葉搗汁日點三四次 聖惠方

紫莞

本經
中品

釋名青莞

別錄

紫清

別錄

返薹草

綱目

夜牽牛

時珍曰其根
色紫而柔宛

故名許慎說文作苾莞
斗門方謂之返薹草

集解

別錄曰紫莞生漢中房陵山谷及真定邯鄲二
月三月採根陰乾弘景曰近道處處有之其生

布地花紫色本有白毛根甚柔細有白者名白莞不
復用大明曰形似重臺根作節紫色潤軟者佳頌曰

今擢成泗壽台孟興國諸州皆有之三月內布地生
苗其葉二四相連五月六月內開黃白紫花結黑子

餘如陶說恭曰白莞即女莞也療體與紫莞相同無
紫莞時亦用之頌曰紫莞連根葉採之醋浸入少鹽

收藏作菜辛香號名仙菜鹽不宜多多則腐時珍曰
按陳自明云紫莞以牢山所出根如北細辛者為良

沂究以東皆有之今人多以車前旋復根赤土染過
為之歎然肺病要藥肺本自亡津液又服走津液藥
為害滋甚
不可不慎

根脩治

穀曰凡使先去鬚有白如練色者號白羊鬚
草自然不同去頭及上用東流水洗淨以蜜

浸一宿至明控火上焙
乾用一兩用蜜二分

氣味苦溫無毒

別錄曰辛權曰苦平之才曰款冬為
之使惡天雄懼麥藁本雷丸遠志畏

茵主治款逆上氣胸中寒熱結氣去蠱毒痿躄安五

臟

本經

療效唾膿血止喘悸五勞體虛補不足小兒驚

癩

別錄

治戶疰補虛下氣勞氣虛熱百邪鬼魅
甄權調中

消痰止渴潤肌膚添骨髓大益肺氣主息賁好古

附方

舊三新四

肺傷欬嗽

紫苑五錢水一盞煎七分溫服日三次

衛生易簡方

久

嗽不瘥

紫苑款冬花各一兩百部半兩搗羅為末每服三錢薑三片烏梅一箇煎湯調下日二甚

佳經本草

小兒欬嗽

聲不出者紫苑末杏仁等分入蜜同研丸芡子大每服一丸五味子

湯化下全幼心鑑

吐血欬嗽

吐血後欬者紫苑五味炒為末蜜丸芡子大每含化一丸指

南方產後下血

紫苑末水服五撮

纏喉風痺

不通欲死者用返魂草根

一莖洗淨納入

喉中待取惡涎出即瘥神效更以馬牙消津嚥之即絕根本一名紫苑南人呼為夜牽牛

斗婦人小便

卒不得出者紫苑為末并華水服三撮即通小便血者服五撮立止

方金

女苑

本經
中品

釋名白苑

別錄

織女苑

別錄

女復

廣雅

茆

音柳

時珍

曰其根

似女體

柔婉

故名

集解

別錄曰女苑生漢中山谷或山陽正月二月採
陰乾弘景曰比來醫方無復用之復有白苑似

紫苑恐非此也恭曰白苑即女苑有名未用重出一
條故陶說疑之功與紫苑相似宗奭曰女苑即白苑

非二物也唐修本草刪白苑甚合宜時珍曰白苑即
紫苑之色白者也雷斅言紫苑白如練色者名羊鬚

草恐即
此物也

根氣味辛温無毒

之才曰
畏鹵鹹

主治風寒洗洗霍亂洩痢

腸鳴上下無常處驚癩寒熱百疾

本經

療肺傷欬逆出

汗久寒在膀胱支滿飲酒夜食發病

別錄

發明

時珍曰按葛洪肘後方載治人面黑令白方用真女苑三分鉛丹一分為末醋漿服一刀圭日

三服十日大便黑十八日面如漆二十一日全白便止過此太白矣三十後不可服忌五辛孫思邈千金方用酒服男十日女二十日黑色皆從大便出也又名醫錄云宋興國時有女任氏色美聘進士王公輔不遂意鬱久面色漸黑母家求醫一道人用女真散酒下二錢一日二服數日面貌微白一月如故懇求其方則用黃丹女苑二物等分爾據此則葛氏之方已試有驗者矣然則熬苑治手太陰血分白苑手太陰氣分藥也肺熱則面熬黑肺清則面白三十歲以後則肺氣漸減不可復泄故云不可服之也

麥門冬

本經上品

釋名藁冬

音

秦名烏韭齊名愛韭楚名馬韭越名羊

韭

並別錄

禹韭

吳

禹餘糧

別錄

忍冬

吳

忍凌

吳

不死草

吳

階前草

弘景曰根似糖麥故謂之麥門冬時珍曰麥鬚曰藁此草根似麥而有鬚其葉如韭凌冬

不凋故謂之麥藁冬及有諸韭忍冬諸名俗作門冬便於字也可以服食斷穀故又有餘糧不死之稱吳

普本草一名僕
豐一名隨脂

集解

別錄曰麥門冬葉如韭冬夏長生生函谷川谷及隄坂肥土石間久廢處二月八月十月採根

陰乾普曰生山谷肥地叢生葉如韭青黃採無時弘景曰函谷即秦關處處有之冬月作實如青珠以四

月採根肥大者為好藏器曰出江寧者小潤出新安者大白其苗大者如鹿蔥小者如韭葉大小有三四種功用相似其子圓碧頌曰所在有之葉青似莎草長及尺餘四季不凋根黃白色有鬚在根如連珠形四月開淡紅花如紅蓼花實碧而圓如珠江南出者葉大或云吳地者尤勝時珍曰古人惟用野生者後世所用多是種蒔而成其法四月初採根於黑壤肥沙地栽之每年六月九月十一月三次上糞及芸灌夏至前一日取根洗晒收之其子亦可種但成遲爾浙中來者甚良其葉似韭而多縱文且堅韌為異

根脩治

弘景曰凡用取肥大者湯澤抽去心不爾令人煩大抵一斤須減去四五兩也時珍曰凡

入湯波以滾水潤濕少頃抽去心或以瓦焙軟乘熱去心若入丸散須瓦焙熱即於風中吹冷如此三四次即易燥且不損藥力或以湯浸搗膏和藥亦可滋補藥則以酒浸搗之

氣味甘平無毒

別錄曰微寒普曰神農岐伯甘平黃帝桐君雷公甘無毒李當之甘小温

果曰甘微苦微寒陽中微陰降也入手太陰經氣分之才曰地黃車前為之使惡款冬苦瓠苦芡畏苦參

青蘘木耳伏石鍾乳

主治心腹結氣傷中傷飽胃絡脈絕羸瘦

短氣久服輕身不老不饑

本經

療身重目黃心下支滿

虛勞客熱口乾燥渴止嘔吐愈痿躄強陰益精消穀

調中保神定肺氣安五臟令人肥健美顏色有子

別錄

去心熱止煩熱寒熱體勞下痰飲

藏器

治五勞七傷安

菟寔魄止嗽定肺痿吐膿時疾熱狂頭痛

大明

治熱毒

大水面目肢節浮腫下水主泄精甄權治肺中伏火補

心氣不足主血妄行及經水枯乳汁不下元素久服輕

身明目和車前地黃丸服去濕痺變白夜視有光藏器

斷穀為要藥弘景

發明

宗奭曰麥門冬治肺熱之功為多其味苦但專泄而不專收寒多人禁服治心肺虛熱及虛勞

與地黃阿膠麻仁同為潤經益血復脈通心之劑與五味子枸杞子同為生脈之劑元素曰麥門冬治肺中伏火脈氣欲絕者加五味子人參三味為生脈散補肺中元氣不足景曰六七月間濕熱方旺人病骨乏無力身重氣短頭旋眼黑甚則痿軟故孫真人以生脈散補其天元真炁脈者人之元氣也人參之甘

寒瀉熱火而益元氣麥門冬之苦寒滋燥金而清水源五味子之酸溫瀉火而補庚金兼益五臟之氣也時珍曰按趙繼宗儒醫精要云麥門冬以地黃為使服之令人頭不白補髓通腎氣定喘促令人肌體滑澤除身上一切惡氣不潔之疾蓋有君而有使也若有君無使是獨行無功矣此方惟大盛氣壯之人服之相宜若氣弱胃寒者必不可餌也

附方

新舊三

麥門冬煎

補中益心悅顏色安神益氣令人肥健其力甚駛取新麥門冬

根去心搗熟絞汁和白蜜銀器中重湯煮攪不停手候如飴及成溫酒日日化服之圖經本草方消

渴飲水

用上元板橋麥門冬鮮肥者二大兩宣州黃連九節者二大兩去兩頭尖三五節小刀子

調理去皮毛了吹去塵更以生布摩拭秤之搗末以肥大苦瓠汁浸麥門冬經宿然後去心即於白中擣

爛納黃連末和丸並手丸如梧子大食後飲下五十
丸日再但服兩日其渴必定若重者即初服一百五
十九日再但服兩日其渴必定若重者即初服一百五
十日五十九日服一百二十九日一百九十四日八十九
禁婦人雞犬見之如覺可時只服二十五丸服訖覺
虛即取白羊頭一枚治淨以水三大斗煮爛取汁一
斗以來細細飲之勿食肉勿入鹽不過
三劑平復也 崔元亮海上集驗方 勞氣欲絕 門

冬一兩甘草炙二兩杭米半合棗二枚竹葉十
五片水二升煎一升分三服 南陽活人書 虛勞

客熱 麥門冬煎湯頻吐血 衄血 諸方不效者麥門冬
飲 本草衍義 去心一斤搗取自然

汁入蜜二合分作二 衄血不止 麥門冬去心生地黃
服即止 活人心統 各五錢水煎服立止

命集 保齒縫出血 麥門冬煎湯漱 咽喉生瘡 脾肺虛熱
之 蘭室寶鑑 上攻也 麥

門冬一兩黃連半兩為末煉蜜丸梧子普濟方乳汁不下門

冬去心焙為末每用三錢酒磨犀角約一錢許溫熱調下不過二服便下熊氏補遺下痢口

渴引飲無度參門冬去心三兩烏梅肉二十箇細對以水一升煮取七合細細呷之必效金石

藥發麥門冬六兩人參四兩甘草灸二兩為末蜜丸梧子大每服五十九丸飲下日再服本草圖經

男女血虛麥門冬三斤取汁熬成膏生地黄三斤取汁熬成膏等分一處濾過入蜜四之一再

熬成瓶收每日白湯點服忌鐵器醫方摘要

萱草
宋嘉祐

釋名忘憂說文療愁目丹棘古今鹿葱嘉祐鹿劍宿妓女

吳宜男

時珍曰萱本作諼諼忘也詩云馬得諼草言樹之背謂憂思不能自遣故欲樹此草玩味

以忘憂也吳人謂之療愁董子云欲忘人之憂則贈之丹棘一名忘憂故也其苗煮食氣味如葱而鹿食

九種解毒之草萱乃其一故又名鹿蔥周處風土記云懷妊婦人佩其花則生男故名宜男李九華延壽

書云嫩苗為蔬食之動風令人昏然如醉因名忘憂此亦一說也嵇康養生論神農經言中藥養性故合

歡獨念萱草忘憂亦謂食之也鄭樵通志乃言萱草一名合歡者誤矣合歡見木部

集解

頌曰萱草處處田野有之俗名鹿蔥五月採花八月採根今人多採其嫩苗及花跗作蔬食時

珍曰萱下濕地冬月叢生葉如蒲蒜輩而柔弱新舊相代四時青翠五月抽莖開花六出四垂朝開暮薦至秋深乃盡其花有紅黃紫三色結實三角內有子大如梧子黑而光澤其根與麥門冬相似最易繁衍

南方草木狀言廣中一種水葱狀如鹿葱其花或紫或黃蓋亦此類也或言鹿蔥花有斑文與萱花不同時者謬也肥土所生則花厚色深有斑文起重臺開有數月瘠土所生則花薄而色淡開亦不久嵇含宜男花序亦云荆楚之土號為鹿蔥可以薦菹尤可憑據今東人採其花附乾而貨之名為黃花菜

苗花氣味甘涼無毒主治煮食治小便赤澀身體煩

熱除酒疸

大明

消食利濕熱

時珍

作菹利胸膈安五臟令

人好歡樂無憂輕身明目

蘇頌

根主治沙淋下水氣酒疸黃色遍身者搗汁服

藏器

大

熱衄血研汁一大盞和生薑汁半盞細呷之

宗奭吹乳

乳癰腫痛搗酒服以滓封之

時珍

發明

震亨曰萱屬水性下走陰分一名宜男寧無微意存焉

附方新通身水腫

鹿葱根葉晒乾為末每服二錢入席下塵半錢食前未飲服

聖惠

方小便不通

萱草根煎水頻飲杏林摘要

大便後血

萱草根和生薑油炒酒衝

服濟總錄

聖食丹藥毒

萱草根研汁服之 事林廣記

槌胡根

拾遺

集解

藏器曰生江南川谷蔭地苗如萱草根似天門冬凡用當抽去心

氣味甘寒無毒主治潤五臟止消渴除煩去熱明目

功如麥門冬藏器

淡竹葉

綱目

釋名根名碎骨子

時珍曰竹葉象形碎骨言其下胎也

集解

時珍曰處處原野有之春生苗高數寸細莖綠葉儼如竹米落地所生細竹之莖葉其根一窠

數十鬚鬚上結子與麥門冬一樣但堅硬爾隨時採之八九月抽莖結小長穗俚人採其根苗搗汁和米

作酒麪甚芳烈

氣味甘寒無毒主治葉去煩熱利小便清心根能墮

胎催生

時珍

鴨跖草

跖音隻
宋嘉祐補

釋名苓雞舌草

拾遺

碧竹子

同上

竹雞草

綱目

竹葉菜

同上

淡

竹葉

同上

耳環草

同上

碧蟬花

同上

藍姑草

北藏器曰鴨跖生

江東淮南平地

葉如竹高一二尺花深碧好為色有角如鳥嘴時珍曰竹葉菜處處平地有之三四月生苗紫莖竹葉嫩時可食四五月開花如蛾形兩葉如翅碧色可愛結角尖曲如鳥喙實在角中大如小豆豆中有細子灰黑而皺狀如糞屎巧匠採其花取汁作畫色及彩羊皮燈青碧如黛也

苗氣味苦大寒無毒主治寒熱瘴癘疾飲丁腫肉癥澀滯小兒丹毒發熱狂癩大腹痞滿身面氣腫熱痢

蛇犬咬癰疽等毒藏和赤小豆煮食下水氣濕痺利

小便明消喉痺

時珍

附方新小便不通

竹雞草一兩車前草一兩搗汁入蜜少許空心服之 集簡方下

痢赤白

藍姑草即淡竹葉菜煎 喉痺腫痛 鴨跖草汁

珍方 五痔腫痛

耳環草碧蟬兒花按軟納患處即効 危亦林得效方

葵

本經上品

校正

自菜部移入此

釋名露葵

綱目 滑菜 時珍曰按爾雅翼云葵者揆也葵葉傾日不使照其根乃智以揆之

也古人採葵必待露解故曰露葵今人呼為滑菜言其性也古者葵為五菜之主今不復食之故移入此

集解

別錄曰冬葵子生少室山弘景曰以秋種葵覆養經冬至春作子者謂之冬葵入藥性至滑利

春葵子亦滑不堪藥用故是常葵耳術家取葵子微炒煨炆音畢乍散著濕地遍踏之朝種暮生還不過宿菘曰此即常食之葵也有數種皆不入藥用頌曰葵處處有之苗葉作菜茹更甘美冬葵子古方入藥最多葵有蜀葵錦葵黃葵終葵菟葵皆有功用時珍曰葵菜古人種為常食今之種者頗鮮有紫莖白莖二種以白莖為勝大葉小花花紫黃色其最小者名鴨腳葵其實大如指頂皮薄而扁實內子輕虛如榆莢仁四五月種者可留子六七月種者為秋葵八九月種者為冬葵經年收採正月後種者為春葵然宿根至春亦生按王貞農書云葵陽草也其菜易生郊野甚多不拘肥瘠地皆有之為百菜之主備四時之饌本豐而耐旱味甘而無毒可防荒儉可以菹腊其枯卉可以榜族根子又能療疾咸無遺棄誠蔬茹之

要品民生之資益者也而
今人不復食之亦無種者

苗氣味甘寒滑無毒為百菜主其心傷人

別錄宏景曰葵菜尤

冷利不可多食頌曰作菜茹甚甘美但性滑利不益人
說曰其性雖冷若熟食之令人熱悶動風氣四月食
之發宿疾天行病後食之令人失明霜葵生食動五
種留飲吐水凡服百藥忌食其心心有毒也黃背紫
莖者勿食之不可合鯉魚黍米鮓食害人時珍曰凡
被狂犬咬者永不可食食之即發食葵須用蒜無蒜
勿食之又

主治脾之菜也宜脾利胃氣滑大腸

思宣

導積滯妊婦食之胎滑易生

蘇頌

煮汁服利小腸治時

行黃病乾葉為末及燒灰服治金瘡出血

甄權除客熱

治惡瘡散膿血女人帶下小兒熱毒下痢丹毒並宜

食之

汪穎

孟說

潤燥利竅功與子同

同上

發明

張從正曰凡久病大便秘澀滯者宜食葵菜自然通利乃滑以養竅也時珍曰按唐王燾外臺秘

要云天行斑瘡須臾遍身皆戴白漿此惡毒氣也高宗永徽四年此瘡自西域東流於海內但煮葵菜葉以蒜齏啖之則止又聖惠方亦云小兒發斑用生葵菜葉絞汁少少與服散惡毒氣按此即今痘瘡也今之治者惟恐其大小二便頻數洩其元氣痘不起發葵菜滑竅能利二便似不相宜而昔人賴之豈古今運氣不同故治法亦隨時變易與

附方

舊四新三

天行斑瘡

方見上

肉錐怪疾

有人手足忽長倒生肉刺如錐

痛不可忍者但食葵菜
即愈 夏子益奇疾方 諸瘻不合
先以泔清溫洗拭淨取葵菜微火烘

暖貼之不過二三百葉引膿盡即
肉生也忌諸魚蒜房事 必效方 湯火傷瘡
葵菜為末傅之

食物 蛇蠍螫傷
葵菜搗汁服之 千金方 誤吞銅錢 葵菜搗汁普

濟方 丹石發動
口乾欬者每食後飲冬月葵蓋汁一盞便臥少時食療本草

根氣味甘寒無毒主治惡瘡療淋利小便解蜀椒毒

別錄 小兒吞錢不出煮汁飲之神妙
甄權 治疔瘡出黃汁

孟詵 利竅滑胎止消渴散惡毒氣
時珍

附方 舊五二便不通
脹急者生冬葵根二斤搗汁三合生薑四兩取汁一合和勻分

二服連用
即通也

消渴引飲

小便不利葵根五兩水三大盞
羹汁平旦服日服一服 並聖

惠消中尿多

日夜尿七八升冬葵根五斤水五斗煮
三斗每日平旦服二升 外臺秘要

漏胎下血

血盡子死葵根莖燒灰酒
服方寸匕日三 千金方

療疽惡毒

肉中
忽生

黥子大如豆粟或如梅李或赤或黑或白或青其鰓
有核核有深根應心能爛筋骨毒入臟腑即殺人但
飲葵根汁可折其熱 妬乳乳癰 葵莖及子為末酒服
毒 姚僧坦集驗方 方寸匕日二 咎飲

產身面疔瘡

出黃汁者葵根燒灰和
豬脂塗之 食療本草

小兒蓐瘡 燒末

傅之

外臺小兒緊唇

葵根燒灰酥調
塗之 聖惠方

口吻生瘡

用經年葵
根燒灰傅

之 臺秘要 外蛇虺螫傷

葵根搗塗之
古今錄驗

解防葵毒

葵根搗汁
飲之 千

金冬葵子別錄曰十二月採之機曰子乃春生不應十二月可採也

氣味甘寒滑無毒黃芩為之使主治五臟六腑寒熱羸瘦

五癢利小便久服堅骨長肌肉輕身延年本經療婦人

乳內閉腫痛別錄出癰疽頭孟詵下丹石毒宏景通大便消

水氣滑胎治痢時珍

發明時珍曰葵氣味俱薄淡滑為陽故能利竅通乳消腫滑胎也其根葉與子功用相同按陳自明

婦人良方云乳婦氣脈壅乳汁不行及經絡凝滯奶房脹痛留蓄作癰毒者用葵菜子炒香縮砂仁等分

為末熱酒服二錢此藥滋氣脈通營衛行津液極驗乃上蔡張不愚方也

附方

一十二

大便不通

十日至一月者肘後方冬葵子三升水四升煮取一升服

不瘥更服 聖惠用葵子 關格脹滿 大小便不通 欲

末人乳汁等分 和服立通 葵子二升水四升煮取一升 納猪脂一雞子頓服

千金用葵子為末 猪脂和丸 梧子大每服五十九丸 效

止小便血淋 葵子一升水三升煮 妊娠患淋 冬葵子 一升水

三升煮二升分 服 千金方 妊娠下血 上方同 產後淋瀝 子不通用葵

硝八分水二升煎八合 下消服之 集驗方 妊娠水腫 身重小便不利 酒

用葵子茯苓各三兩 為粉飲服 方寸匕 日三服 小生

產困悶 冬葵子一合 搗破水二升 煮汁半升 頓服少

中倒生口噤

冬葵子炒黃為末酒服
二錢立效 替殷產寶 乳汁不通 方見

胎死腹中

葵子為末酒服方寸匕若口噤不
開者灌之藥下即甦 千金方 胞衣不

下

冬葵子一合牛膝一兩水
二升煎一升服 千金方 血痢產痢 冬葵子為末
每服二錢入

臘茶

一錢沸湯調 痰瘧邪熱 冬葵子陰乾為末酒服
服日三 聖惠方 二錢午日取花接手亦

去瘡

癰腫無頭 孟詵曰三日後取葵子二百粒水
吞一粒即破如吞 吞之當日即開也 經驗方云只

兩粒

則有兩頭也 便毒初起 冬葵子末酒服 二
錢 儒門事親 面上

胞瘡

冬葵子栝子仁茯苓瓜瓣冬一兩為末
食後酒服方寸匕日三服 陶隱居方 解蜀椒

毒

冬葵子煮汁飲 傷寒勞腹 葵子二升梁米一升煮
之 千金方 粥食取汗立安 聖惠

蜀葵

宋嘉祐

校正

自菜部移入此併入有名未用別錄吳葵花

釋名戎葵

爾雅

吳葵

藏器曰

爾雅云

肩音堅

戎葵也

郭

似葵

花如木

槿

戎蜀其自來因以名之時珍曰羅願爾雅翼吳葵作胡葵云胡戎也夏小正云四月小滿後五日吳葵花別錄吳葵即此也而唐人不知退入有名未用嘉祐本草重於菜部出蜀葵條蓋未讀爾雅註及千金方吳葵一名蜀葵之文故也今併為一

集解

頌曰蜀葵似葵花如木槿花有五色小花者名錦葵功用更强時珍曰蜀葵處處人家植之春

初種子冬月宿根亦自生苗嫩時亦可茹食葉似葵菜而大亦似絲瓜葉有歧又過小滿後長莖高五六尺花似木槿而大有深紅淺紅紫黑白色單葉千葉之異昔人謂其疎莖密葉翠萼艷花金粉檀心者頗

善狀之惟紅白二色入藥其實大如脂頭皮薄而扁
內仁如馬兜鈴仁及蕪荑仁輕虛易種其楷剝皮可
緝布作繩一種小者名錦葵即荆葵也爾雅謂之蒺
音喬其花大如五銖錢粉紅色有紫縷文掌禹錫補
注本草謂此即戎葵
非矣然功用亦相似

苗氣味甘微寒滑無毒

思邈曰不可久食鈍人志性
若被狗齧者食之永不瘡也

李廷飛曰合猪
肉食人無顏色

主治除客熱利腸胃

思邈

煮食治丹石發熱大人小兒

熱毒下痢

藏器

作蔬食滑竅治淋潤燥易產

時珍

搗爛塗

火瘡燒研傅金瘡

大明

根莖主治客熱利小便散膿血惡汁藏器

發明

宗奭曰蜀葵四時紅色單葉者根陰乾治帶下排膿血惡物極驗也

附方新

小便淋痛 葵花根洗剉水煎五七沸服之如神 衛生寶鑑

小便血

淋 葵花根二錢

車前子一錢 簡便單方

小便尿血

葵莖無灰酒服方寸七日

三 千金 腸胃生癰

懷忠丹治內癰有敗血腥穢殊甚臍腹冷痛用此排膿下血單葉紅蜀葵

根白芷各一兩 白枯礬白芍藥各五錢 為末 黃蠟溶化 和丸 梧子大 每空心米飲下 二十九 待膿血出盡

服十宣散補之 坦仙皆效方

諸瘡腫痛

不可忍者 葵花根去黑皮搗爛入井華水調稠貼之

濟方 普 小兒吻瘡

經年欲腐 葵根燒研傅之 聖惠方

小兒口瘡

赤葵莖灸乾為

末蜜和含之

聖惠方

吳葵華

別錄

氣味鹹寒無毒

禹錫曰蜀葵華甘冷無毒

主治理心氣

不足

別錄

小兒風癩疥瘡

嘉祐

治帶下目中溜火和血潤

燥通竅利大小腸

時珍

發明

張元素曰蜀葵花陰中之陽也赤者治赤帶白者治白帶赤者治血燥白者治氣燥皆取其寒

滑潤利之功也又紫葵花入染髭髮方中用

附方

舊二新五

二便關格

脹悶欲死二三日則殺人蜀葵花一兩搗爛麝香半錢水一大

蓋煎服根亦可

疥瘡邪熱

蜀葵花白者陰乾為末服之午日取花按手亦能去瘡

蘇頌

圖經 婦人帶下 臍腹冷痛面色痿黃日漸虛困用葵
花一兩陰乾為末每空心溫酒服二

錢 赤帶用赤葵白 葵花為末酒服方
帶用白葵 聖惠方 橫生倒產 寸匕 千金方 酒

鼓赤鼻 蜀葵花研末臘猪脂和
勻夜傅旦洗 仁存方 誤吞鍼錢 葵花煮汁
服之 普

濟 方蜂蠍螫毒 五月五日午時收蜀葵花石榴花艾心
等分陰乾為末水調塗之 肘後方

子氣味甘冷無毒主治淋澀通小腸催生落胎療水

腫治一切瘡疥并癩疵赤靨 大

發明 時珍曰按楊士瀛直指方云蜀葵子炒入宣毒
藥中最驗又催生方用子二錢滑石三錢為末順

流水服五
錢即下

附方

新舊二

大小便閉

不通者用白花胡葵子為末煮濃汁服之

千金方石淋

破血

五月五日收葵子炒研食前温酒下一錢當下石出

聖惠方癰腫無頭蜀葵子為

末水調傳之

經驗後方

菟葵

唐本草

釋名天葵

圖

菟葵

音

雷丸草

外丹本草

集解

恭曰菟葵苗如石龍芮而葉光澤花白似梅其莖紫黑煮啾極滑所在下澤田間皆有人多識

之六月七月採莖葉曝乾入藥禹錫曰郭璞注爾雅

云菟葵似葵而小葉狀如藜有毛灼之可食而滑宗

奭曰菟葵綠葉如黃蜀葵其花似拒霜甚雅其形至

小如初開單葉蜀葵有檀心色如牡丹姚黃其葉則

蜀葵也唐劉夢得所謂菟葵燕麥動搖春風者是也
時珍曰按鄭樵通志云菟葵天葵也狀如葵菜葉大
如錢而厚面青背微紫生於崖石凡丹石之類得此
而後能神所以雷公炮灸論云如要形堅豈忘紫背
論其能堅鉛也此說得於天台一僧又按南宮從岫
嶠神書云紫背天葵出蜀中靈草也生於水際取自
然汁煮永則堅亦能煮八石拒火也又按初虞世古
今錄驗云五月五前齋戒看桑下有菟葵者至五日
午時至桑下呪曰紫黎乎俱當蘇婆訶呪畢乃以手
摩桑陰一遍口齧菟葵及五葉草嚼熟以唾塗手熟
指令遍再齋七日不得洗手後有蛇虫蠍蜈蚣咬傷者
以此手摩之即愈也時珍竊謂古有呪由一科此亦
其類但不知用菟葵取何義也若
謂其相制則治毒虫之草亦多矣

苗氣味甘寒無毒主治下諸石五淋止虎蛇毒諸瘡

搗汁飲之塗瘡能解毒止痛

唐本

黃蜀葵

宋嘉祐

校正

自菜部移入此

釋名

時珍曰黃蜀葵別是一種宜入草部而嘉祐本草定入菜部為其與蜀葵同名而氣味主治亦

同故也今移於此

集解

禹錫曰黃蜀葵花近道處處有之春生苗葉頗似蜀葵而葉尖狹多刺缺夏末開花淺黃色六

七月採陰乾之宗奭曰黃蜀葵與蜀葵別種非是蜀葵中黃者也葉心下有紫檀色摘下剔散日乾之不爾即泥爛也時珍曰黃葵二月下種或宿子在土自生至夏始長葉大如蓖麻葉深綠色開歧了有五尖如人爪形旁有小尖六月開花大如椀鶯黃色紫心六瓣而側旦開午收暮落人亦呼為側金盞花隨即

結角大如姆指長二寸許本大末尖六稜有毛老則
黑色其稜自綻內有六房如芝麻房其子累累在房
內狀如苧麻子色黑其莖長
者六七尺剥皮可作繩索

花氣味甘寒滑無毒主治小便淋及催生治諸惡瘡

膿水久不瘥者作末傅之即愈為瘡家要藥

嘉祐

消癰

腫浸油塗湯火傷

時珍

附方新沙石淋痛

黃蜀葵花一兩炒為末每米飲服一錢名獨聖散 普濟方 難

產催生

如聖散治胎臟乾澀難產劇者併進三服良久腹中氣寬胎滑即下也用黃葵花焙研末

熟湯調服二錢無花用子半合研末酒淘去滓服之

產寶鑑

胎死不下

即上方用紅花酒下

癰疽腫毒

黃蜀葵花用鹽摻收斂器中密封經年不壞每用傅之自平自潰無花用根葉亦可

直指方

小兒口瘡

黃蜀葵花燒末傅之肘後方

小兒木舌

黃蜀葵為末一錢

黃丹五分傅之

直指方

湯火灼傷

用瓶盛麻油以筋就樹夾取黃蜀葵花收入瓶內勿犯人手

密封收之遇有傷者以油塗之甚妙

經驗方

小兒禿瘡 黃蜀葵花大黃黃芩等分為末米泔

淨洗香油調搽

普濟方

子及根氣味甘寒滑無毒主治癰腫利小便五淋水

腫產難通乳汁

時珍

發明

頌曰冬葵黃蜀葵葵形狀雖各不同而性俱寒滑故所主療不甚相遠時珍曰黃葵子古方少

用今為催生及利小便要藥或用入湯散皆宜蓋其性滑與冬葵子同功故也花子與根性功相同可以互用無花用子無子用根

附方

舊二新二

臨產催生

宗奭曰臨產時以四十九粒研爛溫水服之良久即產經驗

方用子焙研三錢并華水服無子用根煎汁服便癱初起淮人用黃蜀葵子七十粒皂角半挺

為末以石灰同醋調塗之永類鈴方癰腫不破黃葵子研酒服一粒則出頭神效衛生

易簡方打撲傷損黃葵子研酒服二錢海上方

龍葵

唐本草

校正

併入圖經老鴉眼睛草

釋名苦葵

圖經

苦菜

唐本

天茄子

圖經

水茄

綱目

天泡草

綱目

老

鴉酸漿草

綱目

老鴉眼睛草

圖經時珍曰龍葵言其性滑如葵也苦以菜味名茄

以葉形名天泡老鴉眼睛皆以子形名也與酸漿相類故加老鴉以別之五爪龍亦名老鴉眼睛草敗醬

苦苣並名苦菜

名同物異也

集解

弘景曰益州有苦菜乃是苦蕒恭曰苦蕒即龍葵也俗亦名苦菜非茶也龍葵所在有之闕河

間謂之苦菜葉圓花白子若牛李子生青熟黑但堪煮食不任生啜頌曰龍葵近處亦稀惟北方有之人

謂之苦葵葉圓似排風而無毛花白色子亦似排風子生青熟黑其赤者名赤珠亦可入藥又曰老鴉眼

晴草生江湖間葉如茄子葉故名天茄子或云即漆姑草也漆姑即蜀羊泉已見本經草部人亦不能決

識之時珍曰龍葵龍珠一類二種也皆處處有之四月生苗嫩時可食柔滑漸高二三尺莖大如筋似燈

籠草而無毛葉似茄葉而小五月以後開小白花五
出黃莖結子正圓大如五味子上有小蒂數顆同級
其味酸中有細子亦如茄子之子但生青熟黑者為
龍葵生青熟赤者為龍珠功用亦相彷彿不甚遠
蘇頌圖經菜部既註龍葵復於外類重出老鴉眼睛
草蓋不知其即一物也又謂老鴉眼睛是蜀羊泉誤
矣蜀羊泉葉似菊開紫花子類枸杞詳見草部本條
楊慎丹鉛錄謂龍葵即吳葵反指本草為誤引素問
千金四月吳葵華為證蓋不知千金方
言吳葵即蜀葵已自明白矣今並正之

苗氣味苦微甘滑寒無毒主治食之解勞少睡去虛

熱腫唐本治風補益男子元氣婦人敗血蘇頌消熱散血

壓丹石毒宜食之時珍

附方葛一去熱少睡

龍葵菜同米煮作羹
粥食之 食醫心鏡

莖葉根氣味

同苗

主治擣爛和土傅丁腫火丹瘡良

孟詵

療癰疽腫毒跌撲傷損消腫散血

時珍

根與木通胡荽

煎湯服通利小便

蘇頌

附方舊四新八通利小便

上方見

從高墜下

欲死者取老鴉
眼睛草莖葉搗

汁服以渣傅患處

唐瑤經驗方

火焰丹腫

老鴉眼睛草葉入醋細
研傅之能消赤腫

頌圖經

癰腫無頭

龍葵莖葉搗
傳經驗方

發背癰疽

成瘡者蘇
頌圖經云

用龍葵一兩為末麝香一分研勻塗之甚善

袖珍
方云一切發背癰疽惡瘡用蝦蟆一箇同老鴉眼睛

草莖葉搗爛傅諸瘡惡腫老鴉眼睛草搗酒服
之即散神效以渣傅之普濟方丁腫

毒瘡

黑色焮腫者乃服丹石毒也赤色者肉麪毒也
用龍葵根一握洗切乳香末黃連三兩杏仁六

十枚和搗作餅厚如三錢依瘡大小傅之覺痒即換
去痒不可忍切勿搔動候炊久瘡中似石榴子戩戩

然乃去藥時時以甘草湯溫洗後以蠟貼之終身
不得食羊血如無龍葵以蔓菁根代之聖濟總錄

天泡濕瘡

龍葵苗葉搗傅之

吐血不止

天茄子苗半兩人參
三錢半為末每服二

錢新汲水下

辟除蚤虱

天茄葉鋪於席
上次日盡死

多年惡瘡

天

葉貼之或為末產後腸出不收老鴉酸漿草一把水
貼救急良方煎先熏後洗收乃止救

急方

子

七月採之

主治丁腫

唐本

明目輕身甚良

甄權

治風益男子

元氣婦人敗血

蘇頌

龍珠

拾遺

釋名赤珠

頌曰龍葵子赤者名赤珠象形也

集解

甄權曰龍葵赤珠者名龍珠按去汁可食能變白令黑藏器曰龍珠生道旁子圓似龍葵但熟

時正赤耳時珍曰龍珠葵雖以子之黑赤分別其實一物二色強分為二也

苗氣味苦寒無毒主治能變白髮令人不睡主諸熱

毒石氣發動調中解煩

藏器

發明權曰龍珠服之變白令黑耐老若能生食得苦者不食他菜十日後即有靈異也不與葱菹同

嫩根亦入藥用

子氣味

同菜

主治丁腫

藏器

酸漿

本經中品

校正

菜部苦耽草部酸漿燈籠草俱併為一

釋名醋漿

本經

苦葳

音針

苦耽

嘉祐

燈籠草

唐本

皮弁草

食寮天

泡草

綱目

王母珠

嘉祐

洛神珠

同上

小者名苦蕒

蕒器曰爾雅苦葳寒

漿也郭璞注云即今酸漿江東人呼為苦葳小者為苦蕒亦呼為小苦耽崔豹古今注云蕒一名蕒子實形如皮弁其子圓如珠時珍曰酸漿以子之味名也苦葳苦耽以苗之味名也燈籠皮弁以角之形名也

王母洛神珠以子之形名也按揚慎卮言云本草燈籠草皆酸漿皆一物也修本草若非一時一人故重複耳燕京野果名紅姑銀外垂絳囊中含赤子如珠酸甘可食盈盈遠砌與翠草同芳亦自可愛蓋姑娘乃瓜囊之訛古者瓜姑同音娘囊之音亦相近耳此說得之故今以本經酸漿唐本草燈籠草宋嘉祐本草苦耽俱併為一焉

集解

別錄曰酸漿生荆楚川澤及人家田園中五月採陰乾宏景曰酸漿處處多有苗似水茄而小

葉亦可食子作房房中有子如梅李大皆黃赤色小兒食之保鼻曰酸漿即苦歲也根如菹芹白色絕苦禹錫曰苦耽生故墟垣墜間高二三尺子作角如撮口袋中有子如珠熟則赤色闕中人謂之洛神珠一名王母珠一名皮弁草一種小者名苦藏爾雅謂之黃蔞菘曰燈籠草所在有之枝幹高三四尺有紅花

狀若燈籠有紅子根莖花實並入藥宗真曰酸漿即
苦耽嘉祐重出苦耽條苗如天茄子開小白花結青
殼熟則深紅殼中子大如櫻亦紅色櫻中復有細子
如落蕪子有青草氣時珍曰龍葵酸漿一類二種酸
漿苦蕪一種二物但大為酸漿小為苦蕪耳敗醬亦
名苦蕪與此不同其龍葵酸漿苗葉一様但龍葵莖
光無毛五月入秋開小白花五出黃蓋結子無殼累
累數顆同枝子有蒂蓋生青熟紫黑其酸漿同時開
小花黃白色紫心白蓋其花如盃狀無瓣但有五尖
結一鈴殼凡五稜一枝一顆下懸如燈籠之狀殼中
一字狀如龍葵子生青熟赤以此分別便自明白按
庚辛玉冊云燈籠草四方皆有惟川陝者最大葉似
龍葵嫩時可食四五月開花結實有四葉盛之如燈
籠河北呼為酸漿據此及楊慎之說則燈籠酸漿之
為一物尤可證矣唐慎微以三葉酸草附於酸漿之
後蓋不知其名同物異也其草見草之八酢漿下

苗葉莖根氣味苦寒無毒

尚錫曰有小毒恭曰苦大寒無毒時珍曰方取汁

煮丹砂伏白礬
煮三黃煉消硫

主治酸漿治熱煩滿定志益氣利

小道

本經

搗汁服治黃病多效

弘景

燈籠草治上氣欬嗽

風熱明目根莖花實並宜

唐本

苦耽苗子治傳尸伏連

鬼氣疰忤邪氣腹內熱結目黃不下食大小便澀骨

熱欬嗽多睡勞乏嘔逆痰壅疰癖痞滿小兒無辜癰

子寒熱大腹殺蟲落胎去蠱毒並煮汁飲亦生搗汁

服研膏傅小兒閃癖

嘉祐祐

發明

震亨曰燈籠草若能除濕熱輕能治上焦故主熱欬咽痛此草治熱痰欬嗽佛耳草治寒痰欬

嗽也與片苓清金丸同用更效時珍曰酸漿利濕除熱除熱故清肺治咳利濕故能化痰治疽一人病虛

乏咳嗽有痰愚以此
如入湯中用之有效

附方

新

三熱欬咽痛

燈籠草為末白湯服名清心丸仍以醋調傅喉外丹溪纂要

瘡作痛

燈籠草炒焦研末酒調叩之醫學正傳

灸瘡不發

酸漿葉貼之

子氣味酸平無毒

別錄曰寒

主治熱煩定志益氣利水道

產難吞之立產

別錄

食之除熱治黃病尤益小兒

蘇頌

治

骨蒸勞熱尸疰疔瘦痰癖熱結與苗莖同功

嘉祐

附方新酸漿實丸

治三焦腸胃伏熱婦人胎熱難產用酸漿實五兩莧實三兩馬蘭子

炒大鹽榆白皮炒二兩柴胡黃芩栝樓根蘭茹各一兩為末煉蜜丸梧子大每服三十丸木香湯下 聖

濟總錄 天泡濕瘡 天泡草鈴兒生搗敷之亦可 鄧才雜興方 為末油調敷

蜀羊泉

本經中品

釋名羊泉 別錄羊飴 漆姑草

時珍曰諸名莫解能治漆瘡故曰漆姑

集解

別錄曰蜀羊泉生蜀郡山谷宏景曰方不復用人無識者恭曰此草俗名漆姑葉似菊花紫色

子類枸杞子根如遠志無心有糝所在平澤有之生陰濕地三月四月採苗葉陰乾藏器曰陶註杉材云漆姑葉細細多生石邊能療漆瘡蘇云漆姑是羊泉按羊泉乃大草漆姑草如鼠跡大生階墀間陰處氣

辛烈按付漆瘡亦主溪毒乃同名也頌曰或言老鴉
眼睛草即漆姑草漆姑乃蜀羊泉人不能決識時珍
曰漆姑有二種蘇恭所說是羊泉陶陳所說是小草
蘇頌所說老鴉眼睛草乃龍葵也又黃蜂作窠銜漆
姑草汁為蒂
即此草也

氣味苦微寒無毒主治禿瘡惡瘡熱氣疥癩痂癬蟲
經本療齧齒女子陰中內傷皮間實積別錄主小兒驚生

毛髮搗塗漆瘡蘇恭蚯蚓氣呵者搗爛入黃丹膏之時珍

出摘
玄方

附方
一新黃疸疾

漆草一把搗汁和酒服不
過三五次即愈
摘玄方

鹿蹄草

綱目

釋名小秦王草

綱目

秦王試劍草

時珍曰鹿蹄象葉形能合金瘡故名試劍

草又山慈姑亦名鹿蹄與此不同

集解

時珍曰按軒轅迷寶藏論云鹿蹄多生江廣平陸及寺院荒處淮北絕少川陝亦有苗似堇菜

而葉頗大背紫色春生紫花結青實如天茄子可制雌黃丹砂

氣味

主治金瘡出血搗塗即止又塗一切蛇蟲犬

咬毒

時珍

敗醬

本經中品

釋名苦菜

綱目

苦藏

綱目

澤敗

別錄

鹿腸

本經

鹿首

別錄

馬草

別錄

宏景曰根作陳敗豆醬氣故以為名時珍曰南人採嫩者暴蒸作菜食味微苦而有陳醬氣故又名苦菜

與苦蕒龍葵同名亦名苦藏與酸醬同名苗形則不同也

集解

別錄曰敗醬生江夏川谷八月采根暴乾宏景曰出近道葉似稀莧根形如柴胡恭曰此藥不

出近道多生岡嶺間葉似水菘及薇薔蕒叢生花黃根紫作陳醬色其葉殊不似稀莧也頌曰江東亦有之狀如蘇恭所說時珍曰處處原野有之俗名苦菜野人食之江東人每采收踏馬春初生苗深冬始凋初時葉布地生似松菜葉而狹長有鋸齒綠色面深背淺夏秋莖高二三寸而柔弱數寸一節節間生葉四散如織顛頂開白花成簇如芹花蛇牀子花狀結小實成簇其根白紫頗似柴胡吳普言其根似桔梗陳

自明言其根似蛇
莓根者皆不然

根同脩治

對蒸從已至未去甘草葉焙乾用
數曰凡收得便粗杵入甘草葉相拌

氣味苦平無毒

別錄曰鹹微寒權曰辛苦微寒
大明曰酸時珍曰微苦帶甘

主治暴熱火瘡赤氣疥癩疽痔馬鞍熱氣

本經除癰腫

浮腫結熱風痺不足產後痛

別錄

治毒風癘痺破多年

凝血能化膿為水產後諸病止腹痛餘疹煩渴

甄權治

血氣心腹痛破癥結催生落胞血運鼻衄吐血赤白

帶下赤眼障膜弩肉聾耳瘡癩疥癬丹毒排膿補瘻

大明

發明

時珍曰敗醬乃手足陽明厥陰藥也善排膿破血故仲景治癰及古方婦人科皆用之乃易得

之物而後人不知用蓋未遇識者耳

附方

新舊二

腹癰有膿

薏苡仁附子敗醬湯用薏苡仁十分附子二分敗醬五分搗為

末每以方寸匕水二升煎一升頓服

產後惡露

七八日不

小便當下即愈

張仲景金匱玉函

止敗醬當歸各六分續斷芍藥各八分芎藭竹茹各四分生地黃炒十二分水二升煮取八分空心服

外臺

產後腰痛

乃血氣流入腰腿痛不可轉者敗醬當歸各八分芎藭芍藥桂心各六分

水二升煮八合分二

產後腹痛

如錐刺者敗醬草五兩水四升煮二升每

廣濟方

本草綱目

四十一

服二合日三服良
蠅蝮尿瘡遠腰者敗醬煎汁塗之良
楊氏產乳

迎春花

綱目

集解時珍曰處處人家栽挿之叢生高者二三尺方莖厚葉葉如初生小椒葉而無齒面青背淡對

節生小枝一枝三葉正月初開
小花狀如瑞香花黃色不結實

藥氣味苦瀋平無毒主治腫毒惡瘡陰乾研末酒服

二三錢出汗便瘥

衛生易簡方

款冬花

本經中品

釋名款凍郭璞款凍爾雅氏冬別錄鑽凍衍義菟奚爾雅崇吾本經

虎鬚

本經時珍曰按述征記云洛水至歲末凝厲時

人訛為款冬即款凍爾款者至也至冬而花也宗奭曰百草中惟此不顧冰雪最先春也故世謂之鑽凍雖在冰雪之下至時亦生芽春時人採以代蔬入藥須微見花者良如已芬芳則都無氣力今人多使如筋頭者恐未有花也

集解

別錄曰款冬生常山山谷及上黨水旁十一月採花陰乾宏景曰第一出河北其形如宿蓐未

舒者佳其腹裏有絲次出高麗百濟其花乃似大菊
花次亦出蜀北部宕昌而並不如其冬月在冰下生
十二月正月旦取之恭曰今出雍州南山溪水及華
州山谷澗間葉似葵而大叢生花出根下頌曰今闕
中亦有之根紫色其葉似草薺十二月開花黃青紫
萼去土一二寸初出如菊花萼通直而肥實無子則

陶氏所謂出高麗百濟者近此類也又有紅花者藥如荷而斗直大者容一升小者容數合俗呼為蜂斗葉又名水斗葉則蘇氏所謂大如葵而叢生者是也傅咸欵冬賦序云予曾逐禽登於北山于時仲冬之月冰凌盈谷積雪被厓顧見欵冬煒然始敷華艷是也

脩治 豐曰凡採得須去向裏裹花藥殼并向裏實如栗零殼者并校藥以甘草水浸一宿却取欵冬

藥相拌裏一夜曬乾去藥用

氣味辛溫無毒

別錄曰甘好古曰純陽入手太陰經之才曰杏仁為之使得紫苑良惡皂

英消石元參畏貝母辛夷麻黃黃芪黃芩連翹青箱 主治欵逆上氣善喘喉痺

諸驚癇寒熱邪氣 消渴喘息呼吸 療肺氣心促

急熱勞欬連連不絕涕唾稠粘肺痿肺癰吐膿血甄

潤心肺益五臟除煩消痰洗肝明目及中風等疾大

發明

頌曰本經主欬逆古方用為溫肺治欬之最崔知悌療久欬熏法每旦取款冬花如雞子許少

蜜拌花使潤納一升鐵鑊中又用一瓦盆鑽一孔內安一小筆管以麪泥縫勿令漏氣鑊下著炭火少時烟從筒出以口含吸嚙之如胃中少悶須舉頭即將指頭按住筒口勿使漏至煙盡乃止如是五日一為之待至六日飽食羊肉饔飩一頓永瘥宗奩曰有人病嗽多日或教然款冬花三兩於無風處以筆管吸其烟滿口則嚙之數日果效

附方

新痰嗽帶血款冬花百合蒸焙等分為末蜜丸龍眼大每臥時嚼一丸薑湯下

濟生口中疳瘡款冬花黃連等分為細末用唾津調成餅子先以蛇牀子煎湯漱口乃以

餅子傳之少頃痛住其瘡
立消也楊誠經驗方

鼠麴草

校正

併入有名未用鼠耳及東垣藥類法象佛耳草

釋名米麴

綱目鼠耳別錄佛耳草法象無心草別錄香茅拾遺黃

蒿會編茸母

時珍曰麴言其花黃如麴色又可和米粉食也鼠耳言其葉形如鼠耳又有白毛蒙

茸似之故北人呼為茸母佛耳則鼠耳之訛也今淮人呼為毛耳朶則香茅之茅似當作毛按段成式雜俎云蚍蜉酒草鼠耳也一名無心草豈蚍蜉食此故有是名耶

集解

別錄曰鼠耳一名無心生田中下地厚葉肥莖藏器曰鼠麴草生平尚熟地高尺餘葉有白毛

黃花荆楚歲時記云三月三日取鼠麴汁蜜和為丸
謂之龍舌料以壓時氣料音板米餅也山南人呼為
香茅取花雜擗皮染濁至破猶鮮江西人呼為鼠耳
草也汪機曰佛耳草徽人謂之黃蒿二三月苗長尺
許葉似馬齒莧而細有微白毛花黃土人採莖葉和
米粉搗作粳果食時珍曰日華本草鼠麴即別錄鼠
耳也唐宋諸家不知乃退鼠耳入有名未用中李杲
藥類法象用佛耳草亦不知其即鼠耳也原野間甚
多二月生苗莖葉柔軟葉長寸許白茸如鼠耳之毛
開小黃花成穗結細子楚人呼為米麴北人呼為茸
母故邵桂子甕天語云北方寒食采茸母草
和粉食宋徽宗詩茸母初生認禁煙者是也

氣味甘平無毒

別錄曰鼠耳酸無毒杲曰佛耳草酸
性熱款冬花為之使宜少食之過則

損
主治鼠耳主痺寒寒熱止效
別錄鼠麴調中益氣止

洩除痰壓時氣去熱嗽雜米粉作粿食甜美

日華佛耳

治寒嗽及痰除肺中寒大升肺氣

李杲

發明

震亨曰治寒痰嗽宜用佛耳草熱痰嗽宜用燈籠草時珍曰別錄云治寒熱止咳東垣云治寒

嗽言其標也日華云治熱嗽言其本也大抵寒嗽多是火鬱於內而寒覆於外也按陳氏經驗方云三奇散治一切嗽不問久近晝夜無時用佛耳草五十文款冬花二百文熟地黃二兩焙研末每用二錢於

爐中燒之以筒吸烟嚥下有涎吐去予家一獲久病此醫治不效偶在沅州得一婢用此法兩服而愈也

決明

本經上品

釋名

時珍曰此馬蹄決明也以明目之功而名又有草決明石決明皆同功者草決明即青柏子陶

氏所謂萋蒿是也

集解

別錄曰決明子生龍門川澤十月十日採陰乾

百日宏景曰龍門在長安北今處處有之葉如
苙芒子形似馬蹄呼為馬蹄決明用之當搗碎又別
有草決明是萋蒿草在下品中頌曰今處處人家園
圃所蒔夏初生苗高三四尺許根帶紫色葉似苙苙
而大七月開黃花結角其子如青綠豆而銳十月採
之按爾雅薜苙決光郭璞釋云藥草決明也藥黃銳
赤華實如山茱萸或曰葭也闕西謂之薜苙音皆苟
其說與此種頗不類又有一種馬蹄決明葉如江豆
子形似馬蹄宗奭曰決明苗高四五尺春亦為蔬秋
深結角其子生角中如羊腎今湖南北人家所種甚
多或在村野成段蜀本圖經言葉似苙苙而濶大者
甚為允當時珍曰決明有二種一種馬蹄決明莖高
三四尺葉大於苙苙而本小末麥晝閱夜合兩兩相

帖秋開淡黃花五出結角如初生細豇豆長五六寸
角中子數十粒參差相連狀如馬蹄青綠色入眼目
藥最良一種苳芒決明但葉之本小末尖正似槐葉夜亦
苗莖似馬蹄決明但葉之本小末尖正似槐葉夜亦
不合秋開深黃花五出結角大如小指長二寸許角
中子成數列狀如黃葵子而扁其色褐味甘滑二種
苗葉皆可作酒麴俗呼為獨占缸但苳芒嫩苗及花
與角子皆可瀹茹及點茶食而馬蹄決明苗角皆韌
苦不可食也蘇頌言薜若即
決明珠不類恐別一物也

子氣味鹹平無毒

別錄曰苦甘微寒之才曰
著實為之使惡大麻子

主治青

盲目淫膚赤白膜眼赤淚出久服益精光輕身

本經

療

唇口青

別錄

助肝氣益精以水調末塗腫毒瘡太陽穴

治頭痛又貼眉心止鼻洪作枕治頭風明目甚於黑

豆日華治肝熱風眼赤淚每旦取一匙按淨空心吞之

百日後夜見物光甄權益腎解蛇毒震亨葉作菜食利

五臟明目甚良甄權

發明時珍曰相感志言園中種決明蛇不敢入丹溪朱氏言決明解蛇毒本於此也王旻山居錄言

春月種決明葉生採食其花陰乾亦可食切忌沆茶多食無不患風按馬蹄決明苗角皆韌而苦不宜於食縱食之有利五臟明目之功何遂至于患風耶又錙績霏雪錄言人家不可種決明生子多跛此迂儒誤聽之說也

不可信

附方

舊一
新七

積年失明

決明子二升為末每食後粥飲服方寸匕

外臺秘要

青

盲雀目

決明一升地膚子五兩為末每飲丸梧子大每米飲下二三十丸普濟方

補肝明

目

決明子一升蔓菁子二升以酒五升煮暴乾為末每飲服二錢溫水下日二服

聖惠方
目赤

腫痛

決明子炒研茶調傅兩太陽穴乾則易之一夜即愈

醫方摘玄
頭風熱痛

方

上
鼻衄不止

方見
主治

癬瘡延蔓

決明子一兩為末入水銀輕粉少許研不見星

擦破上藥立瘥此東坡家藏方也

奇效良方
發背初起

草決明生用一升搗生甘草一兩水

三升煮一升分二服大抵血滯則生瘡肝主藏血決明和肝氣不損元氣也

許學士本事方

附錄
苳芒

拾遺藏器曰陶云決明葉如苳芒按苳芒生道旁葉小于決明性平無毒火灸作飲

極香除痰止渴令人不睡調中隋稠禪師採作五色
飲以進場帝者是也又有苙苙字從土音吐一名江
蘿子乃草似莞生海邊可為席者與決明葉不相類
時珍曰苙苙亦決明之一種故俗猶稱獨占缸說見
前集
合明草 拾遺藏器曰味甘寒無毒主暴熱淋小
解下 便赤瀉小兒疾病明目下水止血痢搗
絞汁服生下濕地藥如
四出花向夜葉即合

地膚

本經上品

釋名地葵

本經

地麥

別錄

落帚

日華

獨帚

圖經

王篲

爾雅

王帚

郭璞

掃帚

引景

益明

藥性

涎衣草

唐本

白地草

綱目

鴨舌草

圖經

千心

妓女

土宿本草時珍曰地膚地麥因其子形似也地
葵因其苗味似也鴨舌因其形似也妓女因其

枝繁而頭多也。蓋明因其子功能明目也。子落則老莖可為帚。故有帚莖諸名。

集解

別錄曰：地膚子生荊州平澤及田野。八月十月採實陰乾。宏景曰：今田野間亦多。皆取莖苗為

掃帚。其子微細，入補藥丸散用。仙經不甚用。恭曰：田野人名為地麥。草北人名涎衣草。葉細莖赤，出熟田中。苗極弱，不能勝舉。今云堪為掃帚，恐未之識也。大明曰：地膚即落帚子也。子色青，似一眠起蠶沙之狀。頌曰：今蜀川關中近地皆有之。初生薄地五六寸根，形如蒿莖，赤葉青大，似荆芥。三月開黃白花，結子青白色。八月九月採實。神仙七精散云：地膚子星之精也。或曰：其苗即獨帚也。一名鴨舌草。陶宏景所謂莖苗可為掃帚者，蘇恭言其苗弱不勝舉。二說不同。而今醫家皆以為獨帚。密州圖上者云：根作叢生，每窠有二三十莖。莖有赤有黃。七月開黃花，其實地膚也。至八月而熟，幹成可採。此正與獨帚相合。恐西北出

者短弱故蘇說云耳時珍曰地膚嫩苗可作蔬茹一
科數十枝攢簇團團直上性最柔弱故將老時可為
帚耐用蘇恭云不可帚止言其嫩苗而已其子最繁
爾雅云箭王萼郭璞注云王帚也似藜可以為帚帚
江東呼為落
帚此說得之

子氣味苦寒無毒

時珍曰
甘寒

主治膀胱熱利小便補中

益精氣久服耳目聰明輕身耐老

本經

去皮膚中熱氣

使人潤澤散惡瘡疔瘕強陰

別錄

治陰疔癩疾去熱風

可作湯沐浴與陽起石同服主丈夫陰痿不起補氣

益力

甄權

治客熱丹腫

日華

發明

藏器曰衆病皆起于虛虛而多熱者加地膚子甘草

附方

新舊三

風熱赤目

地膚子焙一升生地黃半斤取汁和作餅曬乾研末每服三錢

空心酒服

聖惠方 目痛眯目

凡目痛及眯目中傷有熱膜者取地膚子白汁頻注目中 王

熹外臺秘要

雷頭風腫

不省人事落帚子同生薑研爛熱沖酒服取汁即愈聖濟總錄

下疼痛

地膚子為末酒服方寸匕 壽域神方

疝氣危急

地膚子即落帚子炒香研

末每服一錢酒下 簡便方

狐疝陰癩

起越舉重卒得陰癩及小兒狐疝傷損生癩並用地

膚子五錢白朮二錢半桂心五分為末 飲或酒服三錢忌生葱桃李 必效方

久疹腰痛 積

有時發動六月七月取地膚子乾末酒服方寸匕日五六服 肘後

血痢不止 地膚子五兩地

榆黃芩各一兩為末每服方寸匕溫水調下聖憲方 妊娘患淋熱痛酸楚手足煩疼地膚

子十二兩水四升煎二升半分服子母秘錄 肢體疣目地膚子白礬等分煎湯頻洗 壽域

神方

苗葉氣味苦寒無毒

時珍曰甘苦燒灰煎霜制砒石粉霜水銀硫黃雄黃硃砂

主治搗汁服主赤白痢燒灰亦善煎水洗目去熱暗

雀盲瀉痛

別錄

主大腸泄瀉和氣瀉腸胃解惡瘡毒

蘇頌

煎水日服治手足煩疼利小便諸淋

時珍

發明

時珍曰按虞搏醫學正傳云搏凡年七十秋間患淋二十餘日百方不效後得一方取地膚草

搗自然汁服之遂通至賤之物有回生之功如此時
珍按聖惠方治小便不通用地麥草一大把水煎服
古方亦常用之此物能益陰氣通小腸無陰則陽無
以化亦東垣治小便不通用黃蘗知母滋腎之意

附方

一新

物傷睛陷

弩肉突出地膚洗去土二兩搗絞汁每點少許冬月以乾者煮膿汁

聖惠

方

瞿麥

瞿音劬
本經中品

釋名

蘧麥

爾雅巨句麥

本經

大菊

爾雅

大蘭

別錄

石竹

日華

南天

竺草

綱目宏景曰子頗似麥故名瞿麥時珍曰按陸佃解韓詩外傳云生于兩旁謂之瞿此麥之穗

旁生故也爾雅作蘧有渠衢二音日華本草云一名燕麥一名杜姥草者誤矣燕麥即雀麥雀瞿二字相

近傳寫
之訛耳

集解

別錄曰瞿麥生太山山谷立秋採陰乾宏景曰今出近道一莖生細葉花紅紫赤色可愛合子

葉刈取之子頗似麥子有兩種一種微大花邊有又極未知何者是也今市人皆用小者復一種葉莖相似而有毛花晚而甚赤按經云採實其中子細燥熱便脫盡矣頌曰今處處有之苗高一尺以來葉尖小青色根紫黑色形如細蔓菁花紅紫赤色亦以映山紅二月至五月開七月結實作穗子頗似麥河陽河中府出者苗可用淮甸出者根細村民取作刷帚爾雅謂之天菊廣雅謂之芘萎是也時珍曰石竹葉似地膚葉而尖小又似初生小竹葉而細窄其莖纖細有節高尺餘稍間開花田野生者花大如錢紅紫色人家栽者花稍小而嫵媚有細白粉紅紫赤斑爛數色俗呼洛陽花結實如燕麥內有小黑子其嫩苗燥

熱水淘
過可食

穗修治

數曰凡使只用莖殼不用莖葉若一時同使即空心令人氣噎小便不禁也用時以葦竹

漚浸一伏
時漚曬

氣味苦寒無毒

別錄曰苦權曰甘之才曰蓑草牡丹為之使惡蜈蚣伏丹砂

主治關格諸癥結小便不通出刺決癰腫明目去翳

破胎墮子下閉血

本經

養腎氣逐膀胱邪逆止霍亂長

毛髮

別錄

主五淋月經不通破血塊排膿

大明

藥主治痔瘻并瀉血作湯粥食又治小兒蛔蟲及丹

石藥發并眼目腫痛及腫毒搗傅治浸淫瘡并婦人

陰瘡

大明

發明

呆曰瞿麥利小便為君主之用頌曰古今方通心經利小腸為最要宗奭曰八正散用瞿麥今

人為至要藥若心經雖有熱而小腸虛者服之則心熱未退而小腸別作病矣蓋小腸與心為傳送故用此入小腸本草並不治心熱若心無大熱止治其心或制之不盡當求其屬以衰之可也時珍曰近古方家治產難有石竹花湯治九孔出血有南天竺飲皆取其破血利竅也

附方

舊六
新五

小便石淋

宜破血瞿麥子搗為末酒服方寸匕日三服三日當下石外

要

壘枳
小便不利

有水氣枳椇瞿麥丸主之瞿麥二錢半枳椇根二兩大雞子一箇茯苓山

芽各三兩為末蜜和丸梧子大一服三九日三未效
益至七八九以小便利腹中溫為止也 張仲景金

匱方 下焦結熱 小便淋瀝或有血出或大小便出血瞿
麥穗一兩甘草炙七錢五分山庖子仁

炒半兩為末每服七錢連鬚葱頭七箇燈心五十莖
生薑五片水二盞煎至七分時時溫服名立效散

千金方 子死腹中 或產經數日不下以瞿麥
煮濃汁服之 千金方 九竅出血

服藥不止者南天竺草即瞿麥拇指大一把山庖子
仁三十箇生薑一塊甘草炙半兩燈草一小把大棗

五枚水煎服 聖濟總錄 目赤腫痛 浸淫等瘡瞿麥炒黃為末以
鴛涎調塗皆頭即開或搗汁

塗之 聖濟方 昧目生翳 其物不出者生膚翳者瞿麥乾薑
炮為末并華水調服二錢日二服

聖方 魚臍疔瘡 瞿麥燒灰和油傅 咽嗑骨哽 瞿麥為
之甚佳 崔氏方 末水服

一寸七日二
外臺秘要 竹木入肉 瞿麥為末水服方寸匕或
煎汁日飲三次 梅師方箭

刀在肉

及咽喉胸膈諸隱處不出酒服瞿
麥末方寸七日三服 千金方

王不留行

別錄
上品

釋名禁宮花

華

日剪金花

華

日金盞銀臺

時珍曰

此物性
走而不住雖有

王命不能留其行故名吳普
本草作一名不流行蓋誤也

集解

別錄曰王不留行生太山山谷二月八月採宏
景曰今處處有之葉似酸漿子似菘子人言是

菘子不爾多入癰瘻方用保昇曰所在有之葉似菘
藍其花紅白色子殼似酸漿其中實圓黑似菘子大
如黍粟三月收苗五月收子根苗花子並通用頌曰
今江浙及並河近處皆有之苗莖俱青高七八寸已

來根黃色如薺根葉尖如小匙頭亦有似槐葉者四月開花黃紫葉隨莖而生如菘子狀又似猪藍花五紅與此小別時珍曰多生麥地中苗高者一二尺三四月開小花如鐸鈴狀紅白色結實如燈籠草子殼有五稜殼內包一實大如豆實內細子大如菘子生白熟黑正圓如細珠可愛陶氏言葉似酸漿蘇氏言花如菘子狀者皆久詳審以子為花葉狀也燈籠草即酸漿也苗子皆入藥

苗子脩治

數曰凡採得拌渾濕蒸之從已至未以漿水浸一宿焙乾用

氣味苦平無毒

普曰神農苦平岐伯雷公甘元素曰甘苦平陽中之陰

主治金

瘡止血逐痛出刺除風痺內塞止心煩鼻衄癰疽惡

瘡癭乳婦人難產久服輕身耐老增壽別錄治風毒通

血脈

甄權

遊風風癩婦人血經不勻發背

日華

下乳汁

元素

利小便出竹木刺

時珍

發明

元素曰王不留行下乳引導用之取其利血脈也時珍曰王不留行能走血分乃陽明衝任之

藥俗有穿山甲王不留婦人服了乳長流之語可見其性行而不住也按王執中資生經云一婦人患淋臥久諸藥不效其夫夜告予予按既效方治諸淋用剪金花十餘葉煎湯遂令服之明早來云病減八分矣再服而愈剪金花一名禁宮花一名金蓋銀臺一名王不留行是也頌曰張仲景治金瘡有王不留行散貞元廣利方治諸風瘕有王不留行湯皆最效

附方

新舊一鼻衄不止

剪金花連莖葉陰乾濃煎糞後汁溫服立效 指南方

下血

王不留行末水服一錢 聖濟總錄

金瘡亡血

王不留行散治身被刀斧傷亡血用

王不留行十分八月八日採之蒴藋細葉十分七月七日採之桑東南根白皮十分八月三日採之川椒

三分甘草十分黃芩乾薑芍藥厚朴各二分以前三味燒存性後六味為散合之每大瘡飲服方寸匕小

瘡但粉之產後亦可服

婦人乳少

因氣鬱者涌泉散王不留行穿山甲

炮龍骨瞿麥穗麥門冬等分為末每服一錢熱酒調下後食猪蹄羹仍以木梳梳乳一日三次 衛生寶

鑑頭風白屑

王不留行香白芷等分為末乾糝一夜篋去 聖惠方

癰疽諸瘡

王不留行湯治癰疽妬乳月蝕白禿及面上久瘡去蟲止痛用王不留行東南桃枝東引茱萸根皮各五

兩蛇牀子牡荊子苦竹葉蒺藜子各三升大麻子誤
一升以水二斗半煮取一斗頻頻洗之 千金方

吞鐵石

骨刺不下危急者王不留行黃蘗等分為末湯浸蒸餅丸彈子大青黛為衣線穿掛風處

用一丸冷水化灌竹木鍼刺在肉中不出疼痛以王
之二百二選方

七兼以根傳即出梅師方 疔腫初起王不留行子為末蟾酥丸
黍米大每服一丸酒下汗

出即愈
集簡方

剪春羅

綱目

釋名剪紅羅

集解

時珍曰剪春羅二月生苗高尺餘柔莖綠葉葉
對生抱莖入夏開花深紅色花大如錢凡六出

周迴如剪成可愛結實大如豆內有細子人家多種之為玩又有剪紅紗花莖高三尺葉旋覆夏秋開花狀如石竹花而稍大四圍如剪鮮紅可愛結穗亦如石竹穗中有細子方書不見用者計其功亦應利小便主癰腫也

氣味甘寒無毒主治火帶瘡遶腰生者採花或葉搗

爛蜜調塗之為末亦可

時珍出證
治要訣

金盞草

救荒

校正

併入涼圖
經杏葉草

釋名杏葉草

圖

長春花

時珍曰金盞其花形也
長春言耐久也

集解

頌曰杏葉草一名金盞草生常州蔓延籬下葉葉相對秋後有子如雞頭實其中變生一小蟲

腕而能行中夏採花周憲王曰金盞兒花苗高四五寸葉似初生萵苣葉厚而狹抱莖而生莖柔脆莖頭開花大如指頭金黃色狀如蓋子四時不絕其葉味酸燥熱水浸過油鹽拌食時珍曰夏月結實在萼內宛如尺蠖蟲數枚蟠屈之狀故蘇氏言其化蟲實非蟲也

氣味酸寒無毒主治腸痔下血久不止

蘇頌

葶藶

本經下品

釋名丁歷

別錄

葶藶

葶藶音藶

大室

本經

大造

本經

狗薺

別錄

時珍曰名

義不可

強解

集解

別錄曰葶藶生藁城平澤及田野立夏後採實陰乾宏景曰出彭城者最勝今近道亦有母即

公薺也子細黃至苦用之當熬頌曰今汴東陝西河
北州郡皆有之曹州者尤佳初春生苗葉高六七寸
似薺根白色枝莖俱青三月開花微黃結角子扁小
如黍粒微長黃色月令孟夏之月靡草死許慎鄭玄
註皆云靡草薺也屬是也一說薺草單莖向上葉
端出角粗且短又有一種狗芥草葉近根下作奇生
角細長取時必須分別此二種也穀曰凡使勿用赤
鬚子真相似只是味微甘苦耳薺子之苦入頂也
時珍曰按爾雅云萆薺也郭璞注云實葉皆似芥
一名狗薺然則狗芥即是薺也蓋薺有甜苦二
種狗芥味微甘即甜薺也或云甜
薺是薺子攷其功用亦似不然

子脩治

穀曰丸使薺莖以糯米相合置
於灶上微焙待米熟去米搗用

氣味辛寒無毒

別錄曰苦大寒得酒良權曰酸有小
毒入藥炒用杲曰沈也陰中陽也張

仲景曰葶藶傳頭瘡藥氣入腦殺人之才曰榆皮主為之使得酒良惡白殭蠶石龍芮時珍曰宜大棗

治癥瘕積聚結氣飲食寒熱破堅逐邪通利水道

本經

下膀胱水伏留熱氣皮間邪水上出面目浮腫身暴

中風熱痺癢利小腹久服令人虛

別錄

療肺壅上氣欬

嗽止喘促除胸中痰飲

甄權

通月經

時珍

發明

杲曰葶藶大降氣與辛酸同用以導腫氣本草十劑云洩可去閉葶藶大黃之屬此二味皆大

苦寒一洩血閉一洩氣閉蓋葶藶之苦寒氣味俱厚不減大黃又性過於諸藥以洩陽分肺中之閉亦能洩大便為體輕象陽故也宗奭曰葶藶有甜苦二種其形則一也經既言味辛苦即甜者不復更入藥也

大槩治體皆以行走泄為用故曰久服令人虛蓋取苦泄之義藥性論不當言味酸震亨曰葶藶屬火性急善逐水病人稍涉虛者宜遠之且殺人甚健何必久服而後虛也好古曰苦甜二味主治不同仲景瀉肺湯用苦餘方或有用甜者或有不苦者大抵苦則下泄甜則少緩量病人虛實用之不可不審本草雖云治同而甜苦之味安得不異時珍曰甘苦二種正如牽牛黑白二色急緩不同又如葫蘆甘苦二味良毒亦異大抵甜者下泄之性緩雖泄肺而不傷胃苦者下泄之性急既泄肺而易傷胃故以大棗輔之然肺中水氣臏滿急者非此不能除但水去則止不可過劑爾既不久服何至殺人淮南子云大戟去水葶藶愈脹用之不節乃反成病亦在用之有節

附方

舊十四
新六

陽水暴腫

面赤煩渴喘急小便澀其效如神甜葶藶一兩半炒研末

漢防已末二兩以綠頭鴨血及頭合搗萬杵九梧子
大甚者空腹白湯下十九輕者五九日三四服五日

止小便利為驗一加猪外臺秘要通身腫滿苦葶藶炒四兩為
芥末二兩

大每服十五丸桑白皮湯下日驗水腫尿澀梅師方用
三服此方人不甚信試之自驗

兩炒為末以大棗二十枚水一大升煎一升去棗入
葶藶末煎至可丸如梧子大每飲服六十九漸加以

微利為度崔氏方用葶藶三兩絹包飯上蒸熟搗
萬杵丸梧子大不須蜜和每服五丸漸加至七丸以

微利為佳不可多服令人不堪若氣發服之得利氣
下即止水氣無比蕭駙馬水腫服此得瘥外科精

義治男婦大小頭面手足腫用苦葶藶炒研棗肉和
丸小豆大每服十九煎麻子湯下日三服五七日小

便多則消腫也
忌鹽酸生冷
大腹水腫
肘後方用苦葶藶二升炒
為末割鷓雉雞血及頭合

鵝丸梧子大每小豆湯下十九丸日三服 又方葶藶二升春酒五升漬一夜稍服一合小便當利 又方

葶藶一兩杏仁二十枚並熬腹脹積聚 葶藶子一升黃色搗分十服小便去當癢 熱以酒五升

浸七日日服三 肺濕痰喘 甜葶藶炒為末棗合 千金方 肉丸服 摘元方 痰飲效

嗽 含奇丸用曹州葶藶子一兩紙襯炒令黑知母一兩貝母一兩為末棗肉半兩砂糖一兩半和丸彈

丸大每以新綿裹一丸含之嚥 效嗽上氣 不得臥或津甚者不過三丸 篋中方 遍體氣腫

或單面腫鼓足腫並主之葶藶子三升微火熬研以絹袋盛浸清酒五升中冬七日夏三日初服如桃許

大日三夜一冬月日二夜二量其氣力取微利下為度如患急者不待日滿亦可絞服也 崔知悌方

肺壅喘急 不得臥葶藶大棗瀉肺湯主之葶藶炒黃 搗末蜜丸彈丸大每用大棗二十枚水三

升煎取二升乃入葶藶一九更煎取一升頓服亦主支飲不得息 仲景金匱玉函方 月水不

通 葶藶一升為末蜜丸彈子大綿裹納陰中二寸一宿易之有汗出止 千金方 卒發顛狂

葶藶一升搗三千杵取白犬血和丸 葶藶一升搗三千杵取白犬血和丸 葶藶一升搗三千杵取白犬血和丸 葶藶一升搗三千杵取白犬血和丸

末以湯淋汁沫頭三四度即愈 肘後方 疔蟲蝕齒 葶藶雄黃等分為末 臘月楷脂和成以綿

裹桃枝蘸點 白禿頭瘡 葶藶末塗之 瘰癧已潰 葶藶 金匱要畧 聖惠方 二合

豉一升搗作餅子如錢大厚二分安瘡孔上艾作炷灸之令溫熱不可破肉數易之而灸但不可灸初起

之瘡恐葶藶氣入腦 馬汗毒氣 入腹葶藶子一兩炒傷人也 永類方 研水一升浸湯服取

下惡血 續十全方

車前

本經上品

釋名當道

本經

芣苢

以音浮

馬舄

昔音

牛遺

並別錄

牛舌

詩疏車

輪菜

救荒

地衣

綱目

蟹蓂衣

別錄

時珍曰

按爾雅云芣苢馬舄牛遺車前陸機詩疏云

此草好生道邊及牛馬跡中故有車前當道馬舄牛遺之名舄足履也幽州人謂之牛舌蟹蓂喜藏伏于下故江東稱為蟹蓂衣又韓詩外傳言直曰車前瞿曰芣苢恐亦強說也瞿乃生于兩旁者

集解

別錄曰車前生真定平澤邱陵阪道中五月五日採陰乾宏景曰人家及路邊甚多韓詩言芣

苢是木似李食其實宜子孫者謬矣恭曰今出開州者勝頌曰今江湖淮甸近汴北地處處有之春初生苗葉布地如匙面累年者長及尺餘中抽數莖作長穗如鼠尾花甚細窠青色微赤結實如葶藶赤黑色

今人五月採苗七月八月採實人家園圃或種之蜀
中尤尚北人取根日乾作紫花賣之甚誤所用陸機
言嫩苗作茹大滑今人不復噉之時珍曰王旻山居
錄有種車前剪苗食法則昔人常以為蔬矣今野人
猶採食之

子脩治

時珍曰凡用須以水淘洗去泥沙曬乾入湯液炒過用入丸散則以酒浸一夜蒸熟研爛

作餅曬乾培研

氣味甘寒無毒

別錄曰鹹權曰甘平大明曰常山為之使

主治氣癰止痛

利水道小便除濕痺久服輕身耐老

本經男子傷中女

子淋瀝不欲食養肺強陰益精令人有子明目療赤

痛別錄去風毒肝中風熱毒風衝眼赤痛障翳腦痛淚

出壓丹石毒去心胸煩熱甄權養肝蕭炳治婦人難產陸機

導小腸熱止暑濕瀉痢時珍

發明宏景曰車前子性冷利仙經亦服餌之云令人身輕能跳越岸谷不老長生也頌曰車前子入

藥最多駐景丸用車前兔絲二物蜜丸食下服古今以為奇方也好古曰車前子能利小便而不走氣與茯苓同功時珍曰按神仙服食經云車前一名地衣雷之精也服之形化八月採之今車前五月子已老而云七八月者地氣有不同爾唐張籍詩云開州午月車前子作藥人皆道有神慚愧文君憐病眼三千里外寄閑人觀此亦以五月採開州者為良又可見其治目之功大抵入服食須佐他藥如六味地黃丸

之用澤瀉可也若單用則泄太過恐非久服之物歐陽公常得暴下病國醫不能治夫人買市人藥一帖進之而愈力叩其方則車前子一味為末米飲服二錢匕云此藥利水道而不動氣水道利則清濁分而穀藏自止矣

附方舊七小便血淋

作痛車前子曬乾為末每服二錢車前葉煎湯下普濟方

石淋作痛

車前子二升以絹袋盛水八升煮取三升服之須臾石下肘後方 老人淋

病

身體熱甚車前子五合綿裹煮汁入青梁米四合煮粥食常服明目 燾親養老書 孕婦熱

淋

車前子五兩葵根切一升以水五升煎取一升半分三服以利為度 梅師方 滑胎易產

車前子為末酒服方寸匕不飲酒者水調服詩云采采芣苢能令婦人樂有子也陸機注云治婦人產難

故也 婦橫產不出 車前子末酒服二 陰冷悶疼入

囊內腫滿殺人車前子末飲 癰癬入腹 體腫舌強車

良方 陰下痒痛 車前子煮汁頻 久患內障 車前子

麥門冬等分為末蜜丸如梧子 補虛明目 駐景丸治

眼昏黑花或生障翳迎風有淚久服補肝腎增目力

煉蜜丸梧子大每溫酒下三 風熱目暗 瀉痛車前子

一兩為末食後溫酒服 聖惠方

草及根脩治 聖日凡使須一窠有九葉內有蕊莖可

鑑者力全使藥勿使蕊莖
剝細於新瓦上攤乾用

氣味甘寒無毒

土宿真君曰可伏硫黃
結草砂伏五礬粉霜

主治金瘡止

血衄鼻瘀血血瘕下血小便赤止煩下氣除小蟲

別錄

主陰瘡之才葉主泄精病治尿血能補五臟明目利小

便通五淋

甄權

發明

宏景曰其藥搗汁服療泄精甚驗宗奭曰陶說
大誤矣此藥甘滑利小便泄精氣有人作菜頻

食小便不禁
幾為所誤也

附方

舊四
新七

小便不通

車前草一斤水三升煎取一升
半分三服一方入冬瓜汁一方

入桑葉汁初生尿澀不通車前搗汁入蜜少許灌之全幼心鑑小便尿

血車前搗汁五合空心服外臺秘要鼻衄不止生車前葉搗汁飲之甚善圖經本草金

瘡血出車前葉搗傅之千金方熱痢不止車前葉搗汁入蜜一合煎溫服聖惠方

產後血滲入大小腸車前草汁一升入蜜一合和煎一沸分二服崔氏方濕氣腰

痛鬢草連根七科葱白連鬚七科棗七枚煮酒一瓶常服終身不發簡便方喉痺乳蛾

鬢草衣鳳尾草搗爛入霜梅肉煮酒各少許再研絞汁以鵝翎刷患處隨手吐痰即消也趙潘養疴漫

筆目赤作痛車前草自然汁調朴硝末臥時塗眼眶上次早洗去小兒目痛車前草汁和

竹瀝點之聖濟總錄目中微翳車前葉枸杞葉等分手中揉汁出以桑葉兩重裹之懸陰處一

夜破桑葉取點不過三五度十便良方

狗舌草

唐本草

集解

恭曰狗舌生渠壑濕地取生葉似車前而無文理抽莖開花黃白色四月五月採莖暴乾

氣味苦寒有小毒主治蠱疥瘡瘡殺小蟲為末和塗之即瘥

蘇恭

馬鞭草

別錄下品

校正

併入圖經龍牙草

釋名龍牙草

圖經鳳頸草

恭曰穗類鞭鞘故名馬鞭藏器曰此說未近乃其節生紫

花如馬鞭節耳時珍曰龍牙鳳頸皆因穗取名蘇頌圖經外類重出龍牙今併為一又今方士謬立諸草

為各色龍牙之名甚為清亂不足憑信

集解

宏景曰村墟陌甚多莖似細辛花紫色微似蓬蒿也恭曰葉似狼牙及茺蔚抽三四穗紫花似

車前穗類鞭鞘都不似蓬蒿也保昇曰花白色七月八月採苗葉日乾用頌曰今衡山廬山江淮州郡皆有之苗類益母而莖圓高二三尺又曰龍牙草生施州高二尺以來春夏有苗葉至秋冬而枯採根洗淨用時珍曰馬鞭下地甚多春月生苗方莖葉似益母對生夏秋開細紫花作穗如車前穗其子如蓬蒿子而細根白而小陶言花似蓬蒿韓言花色白蘇言莖圓皆誤矣

苗葉氣味苦微寒無毒

保昇大明曰辛涼無毒權曰苦有毒伏丹砂硫黃

主治下部蠱瘡別錄癥瘕血瘕久瘡破血殺蟲搏爛煎

取汁熬如飴每空心酒服一匕藏器治婦人血氣肚脹月

候不勻通月經大明治金瘡行血活血震擣塗癰腫及蠹

蝮尿瘡男子陰腫時珍

附方

舊五

新十瘡痰寒熱

馬鞭草搗汁五合酒二

鼓脹煩渴

身乾黑瘦馬鞭草細剉曝乾勿見火以酒或水同煮至味出去滓溫服以六月中旬雷鳴時採者有效衛生易

簡大腹水腫

馬鞭草鼠尾草各十斤水一石煮取五斗去滓再煎令稠以粉和丸大豆大每服二

三九加至四五丸

男子陰腫

大如升核痛人所不能治者馬鞭草搗塗之

方婦人疝痛

名小腸氣馬鞭草一兩酒煎滾服以湯浴身取汗甚妙 纂要奇方婦人經

閉

結成癥塊肋脹大欲死者馬鞭草根苗五斤到細水五斗煎至一斗去滓熬成膏每服半匙熱酒化下日

二服

酒積下血

馬鞭草灰四錢白芷灰一錢蒸餅丸梧子大每米飲下五十九 摘方方

魚肉癥瘕

凡食魚鱠及生肉在胸隔不化成癥瘕馬喉馬鞭草搗汁飲一升即消 千金方

痺風

躁腫連頰吐血穀者馬鞭草一握勿見風截去兩頭搗汁飲之良 千金方

乳癰腫痛

馬鞭草一握酒一椀生薑一塊搗汁服渣傳之 衛生易簡方

白癩風瘡

馬鞭草為末每服一錢食

前荆芥薄荷湯下日三服 忌鐵器 太平聖惠方

人疥馬疥

馬鞭草不犯鐵器搗自然汁半盞飲

盡十日內愈神效

赤白下痢

龍牙草五錢陳茶一握水煎服神效醫方摘要 癸

背癰毒

痛不可忍龍牙草搗汁飲 楊梅惡瘡 馬鞭草煎湯洗薰後

之以洋傳忠處

集簡方

洗氣到便爽痛腫隨
減陳嘉謨本草蒙筌

根氣味辛濇溫無毒主治赤白下痢初起焙搗羅末

每米飲服一錢七無所忌蘇頌

蛇含

本經下品

校正

併入圖經紫背龍牙

釋名蛇銜

本經

威蛇

大明小龍牙

綱目紫背龍牙

恭曰陶氏本草作蛇

合合乃含字之誤也含銜義同見古本草時珍曰按
劉敬叔異苑云有田父見一蛇被傷一蛇銜一草着
瘡上經日傷蛇乃去田父因取草治蛇瘡皆驗遂名
曰蛇銜草也其葉似龍牙而小背紫色故俗名小龍
牙又名紫背龍牙蘇頌圖經
重出紫背龍牙今併為一

集解

別錄曰蛇舍出益州山谷八月採陰乾宏景曰蛇銜處處有之有兩種並生石上亦生黃土地

當用細葉有黃花者頌曰出興州今近處亦有生土石上或下濕地蜀中人家亦種之辟蛇一莖五葉或七葉有兩種八月採根陰乾日華子云莖葉俱用五月採之又曰紫背龍牙生蜀中春夏生葉採無時時珍曰此二種細葉者名蛇舍大葉者名龍銜龍銜亦入瘡膏用數曰蛇銜只用葉曬乾勿犯火根莖不用勿誤用有藥尖葉者號竟命草其味酸濕誤服令人吐血不止連服知時子解

氣味苦微寒無毒

權曰有毒頌曰紫背龍牙辛寒無毒

主治驚癇寒熱

邪氣除熱金瘡疽痔鼠癭瘡頭瘍

本經

療心腹邪氣腹

痛濕痺養胎利小兒

別錄

治小兒寒熱丹癬

甄權

止血協

風毒癰腫赤眼汁傅蛇虺蜂毒大紫背龍牙解一切

蛇毒治咽喉中痛含嚙之便效

蘇頌

發明

藏器曰蛇含治蛇咬今以草納蛇口中縱傷人亦不能有毒也種之亦令無蛇頌曰古今治丹

毒瘡腫方通用之古今錄驗治赤癬用蛇銜草搗極爛傅之即瘥赤癬由冷濕搏於肌中甚即為熱乃成赤癬天熱則劇冷則減是也時珍曰按葛洪抱朴子云蛇銜膏連已斷之指今攷葛洪肘後方載蛇銜膏云治癰腫瘀血產後積血耳目諸病牛領馬鞍瘡用蛇銜大黃附子芍藥大戟細辛獨活黃芩當歸莽草蜀椒各一兩薤白十四枚右為末以苦酒淹一宿以猪膏二斤七星火上煎沸成膏收之每溫酒服一彈丸日再服病在外摩之傅之在耳綿裹塞之在目點之若入龍銜藤一兩則名龍銜膏也所謂連斷指者

不知即此膏否

附方

新舊二

產後瀉痢

小龍牙根一握濃煎服之甚效即蛇含是也

斗門方

金

瘡出血

蛇含草搗傅之肘後方

身面惡癬

紫背草入生礬研傅二三斷根直指

方蜈蚣蠍傷

蛇

銜按傅之古今錄驗

女青

本經下品

釋名雀瓢

本經

集解

別錄曰女青蛇銜根也生朱崖八月採陰乾弘景曰若是蛇銜根不應獨生朱崖俗用者是草

其葉別是一物未詳孰是銜云帶此一兩則疫癘不犯彌宜識真者又云今市人用一種根形狀如續斷

莖葉至苦乃云是女青根出荊州恭曰此草即雀瓢也生平澤葉似蘿摩兩相對子似瓢形大如棗許故名雀瓢根似白微莖葉並臭其蛇銜都非其類又別錄云葉嫩時似蘿摩圓端大莖實黑莖葉汁黃白亦與前說相似若是蛇銜根何得苗生益州根在朱厓相去萬里餘也蘿摩葉似女青故亦名雀瓢藏器曰蘿摩是白環藤雀瓢是女青二物相似不能分別終非一物也璣曰蘿摩以子言女青以根言蛇銜以苗言三者氣味功用大有不同諸註因其同名雀瓢而疑為一物又因其各出州郡而復疑為二物本草明言女青是蛇銜根豈可以根苗異地而致疑如靡蕪芎藭所產不同亦將分為二物乎如赤箭徐長卿同名鬼督郵亦將合為一物耶時珍曰女青有二一是藤生乃蘇恭所說似蘿摩者一種草生則蛇銜根也蛇銜有大小二種葉細者蛇銜用苗莖葉大者為龍銜用根故王焘外臺秘要龍銜膏用龍銜根煎膏治

癰腫金瘡者即此女青也陳藏器言女青蘿摩不能
分別張揖廣雅言女青是葛類皆指藤生女青非此
女青也別錄明說女青是蛇銜根一言可據諸家止
因其生朱厓致疑非矣方上各有相傳不同爾況又
不知有兩女青乎又羅浮山記云山有男
青似女青此則不知是草生藤生者也

根氣味辛平有毒

權曰苦無毒
蛇銜為使

主治蠱毒逐邪惡氣

殺鬼溫瘡辟不祥

本經

附方

舊二人
新一

卒暴死

搗女青屑一錢
酒送下立活也

安咽中以水或
南岳魏夫人

內吐利卒死

及大人小兒卒腹皮青黑赤不能喘息
即急用女青末納口中酒送下
子母

秘錄辟禳瘟疫

正月上寅日搗女青末三角絳
囊盛繫帳中大吉
肘後方

鼠尾草

別錄
下品

釋名

勤

山陵翹

吳普烏草

拾遺水青

拾遺時珍曰鼠尾以穗形命名爾雅

云勤鼠尾也可以染皂故名烏草又曰水青蘇頌圖經謂鼠尾一名陵時者乃陵翹之誤也

集解

別錄曰鼠尾生平澤中四月採葉七月採花陰乾弘景曰田野甚多人採作滋染皂保昇曰所

在下濕地有之惟黔中人採為藥葉如蒿莖端夏生四五穗穗若車前花有赤白種藏器曰紫花莖葉俱

可染
皂用

花葉氣味苦微寒無毒

藏器曰平

主治鼠瘻寒熱下痢膿

血不止白花者主白下赤花者主赤下

別錄主瘡疾水

蠱時珍

發明弘景曰古方療痢多用之當濃煮令可丸服之
或煎如飴服今人亦用作飲或末服亦得日三
服

附方

舊一
新三

大腹水蠱

方見馬
鞭草下

久痢休息

時止時作鼠
尾草花搗末

飲服一錢

聖惠方

下血連年

鼠尾草地榆二兩水二升煮一
升頓服二十年者不過再服亦

可為末飲服
千金方

蕃花惡瘡

内生惡肉如飯粒破之血出
隨生蕃出于外鼠尾草根切

同猪脂搗傅

聖濟總錄

狼把草

宋開寶

校正

併入拾遺
郎耶草

釋名郎即草

時珍曰此即陳藏器本草郎即草也關人呼爺為郎罷則狼把當作郎罷乃通

又方士言此草即鼠尾草功用亦近之但無的據耳

集解

藏器曰狼把草生山道旁與秋穗子並可染皂又曰郎即草生山澤間高三四尺葉作雁齒如

鬼針苗鬼針即鬼釵也其葉有極如釵腳狀高錫曰狼把草出近道古方未見用者惟陳藏器言之而不

詳文宗黃帝御書記其主療血痢甚為精至謹用書于本草圖經外類篇首

氣味苦平無毒主治黑人髮令人不老又云郎即草

主赤白久痢小兒大腹痞滿丹毒寒熱取根莖煮汁

服藏器狼把草主丈夫血痢不療婦人根治積年疳痢

取草二斤搗絞取汁一小升納白麪半雞子許和勻

空腹頻服極重者不過三服或收苗陰乾搗末密水

半盞服一方寸七經圖可染鬚髮治積年癬天陰即痒

搔出黃水者搗末摻之時珍

狗尾草綱目

釋名莠音酉光明草綱目阿羅漢草時珍曰莠草秀而不實故字從秀穗形象

狗尾故俗名狗尾其莖治目痛故方士稱為光明草阿羅漢草

集解時珍曰原野垣墻多生之苗葉似粟而小其穗亦似粟黃白色而無實採莖筒盛以治目病惡

莠之亂苗
即此也

莖主治疣目貫髮穿之即乾滅也凡赤眼拳毛倒睫者翻轉目瞼以一二莖蘸水憂去惡血甚良

時珍

鱧腸

唐本草

釋名蓮子草

唐本

旱蓮草

圖經

金陵草

圖經

墨煙草

綱目

墨頭

草

綱目

墨菜

綱目

糊孫頭

必用

猪牙草

時珍曰

鱧烏頭也

其

腸亦烏此草柔莖斷

之有墨汁出故名俗呼墨菜是也細實頗如蓮房狀故得蓮名

集解

恭曰鱧腸生下濕地所在坑渠間多有苗似旋覆二月八月採陰乾頌曰處處有之南方尤多

此有二種一種葉似柳面光澤莖似馬齒莧高一二尺間花細而白其實若小蓮房蘇恭謂似旋覆者是也一種苗梗枯瘦頗似蓮花而黃色實亦作房而圓南人謂之連翹者二種折其苗皆有汁出須臾而黑俗謂之旱蓮子亦謂之金陵草時珍曰旱蓮有二種一種苗似旋覆而花白細者是鱧腸一種花黃紫而結房如蓮房者乃是小蓮翹也爐火家亦用之見連翹條

草氣味甘酸平無毒主治血痢鍼灸瘡發洪血不可

止者傅之立已汁塗眉髮生速而繁

唐本

烏髭髮益腎

陰時珍止血排膿通小腸傅一切瘡并蠶癩

大明膏點鼻

中添腦

蕭炳

附方

新舊一

金陵煎

益髭髮變白為黑金陵草一秤六月以後收採揀青嫩無泥土者不

用洗摘去黃葉爛搗新布絞取汁以紗絹濾過入通油器鉢盛之日中煎五日又取生薑一斤絞汁白蜜

一斤合和日中煎以柳木篋攪勿停手持如稀飭藥乃成矣每日及午後各服一匙以溫酒一盞化下如

欲作丸日中再煎令可丸大如梧子每服三十九丸及時多合為佳其效甚速 孫真人千金月令方烏

鬚固齒

攝生妙用方七月取早蓮草連根一斤用無灰酒洗淨青鹽四兩淹三宿同汁入油鍋中

炒存性研末日用擦牙連津嚥之 又法早蓮取汁同鹽煉乾研末擦牙 奉親養老書早蓮散烏髭固

牙溫尉云納合相公用此方年七十鬚髮不白懇求始得後遇張經始傳分兩也早蓮草一兩半麻姑餅

三兩升麻青鹽各三兩半訶子連核二十個皂角三挺晚蠶沙二兩為末薄醋麪糊丸彈子大曬乾入泥

瓶中火煨令烟出存性
取出研末日用揩牙

偏正頭痛

鱧腸草汁滴鼻一
中 聖濟總錄

切眼疾

腎膜遮障涼腦治頭痛能生髮五月五日平
旦合之蓮子草一握藍葉一握油一斤同浸

密封四十九日每臥時以鐵匙點藥摩
頂上四十九遍久久甚佳

聖濟總錄**繫臂截瘡**蓮

草槌爛男左女右置寸口上以古文錢壓定帛繫住
良久起小泡謂之天灸其瘡即止甚效 王執中資

生小便溺血

金陵草一名墨頭草車前草各等分杵
取自然汁每空心服三盃愈乃止 醫

學正腸風臟毒

下血不止旱蓮子草瓦上焙研末
每服二錢米飲下 家藏經驗方**痔**

漏瘡發

旱蓮草一把連根鬚洗淨用石臼搗如泥以
極熱酒一盞衝入取汁飲之滓傳患處重者

不過三服即安太僕少卿王鳴鳳患此策杖方能
移步服之得瘥累治有驗 劉松石保壽堂方**疔**

瘡惡腫

五月五日收旱蓮草陰乾仍露一夜收過疾時嚼一葉貼上外以消毒膏護二三日疔脫

聖濟總錄

風牙疼痛

糊蒜頭草入鹽少許于掌心揉擦即止 集玄方

連翹

本經下品

校正

併入有名未用本經翹根

釋名連翹

爾雅異翹

爾雅旱蓮子

藥性蘭華

吳普三庶

別錄根名連

韜

仲景竹根

別錄恭曰其實似蓮作房翹出眾草故名宗奭曰連翹亦不翹出眾草太山山谷間

甚多其子折之片片相比如翹應以此得名耳時珍曰按爾雅云連異翹則是本名連又名異翹人因合

稱為連翹矣連韜亦作連苔即本經下品翹根是也唐蘇恭修本草退入有名未用中今併為一早蓮乃

小翹人為翹賜者故同名

集解

別錄曰連翹生太山山谷八月採陰乾弘景曰處處有之今用莖連花實恭曰此物有兩種大

翹小翹大翹生下濕地葉狹長如水蘇花黃可愛著子以椿實之未開者作房翹出泉草其小翹生岡原之上葉花實皆似大翹而小細山南人并用之今長安惟用大翹子不用莖花也頌曰今近汴京及河中江寧潤淄澤兗岳利諸州南康軍皆有之有大小二種大翹生下濕地或山岡上青葉狹長如榆葉水蕪莖莖赤色高三四尺獨莖稍間開花黃色秋結實似蓮內作房瓣根黃如蒿根八月採房其小翹生岡原之上花葉實皆似大翹而細南方生者葉狹而小莖短纒高一二尺花亦黃實房黃黑內含黑子如粟粒亦名旱蓮南人用花葉今南方醫家說云連翹有兩種一種似椿實之未開者殼小堅而外完無跗萼剖之則中解氣甚芳馥其實纒乾振之皆落不著莖也一種乃如茵蔯殼柔外有跗萼抱之而無解脈亦

無香氣乾之雖久著莖不脫此甚相異此種江南下澤間極多如椿實者乃自蜀中來入用勝似江南者
據本草則亦以蜀中者為勝然未見其莖葉也

氣味苦平無毒

元素曰性涼味苦氣味俱薄輕清而浮升也陽也手槎用之好古曰陰中

陽也入手足少陽手陽明經又入手少陰經時珍曰微苦辛

主治寒熱鼠瘻瘰癧

癰腫惡瘡癭瘤結熱蠱毒

本經

去白蟲

別錄

通利五淋小

便不通除心家客熱

甄權

通小腸排膿治瘡癰止痛通

月經明散諸經血結氣聚消腫

李杲

瀉心火除脾胃濕

熱治中部血證以為使

震亨

治耳聾渾渾惇惇

好古

莖葉主治心肺積熱

時珍

發明

元素曰連翹之用有三瀉心經客熱一也去上焦諸熱二也為瘡家聖藥三也杲曰十二經瘡

藥中不可無此乃結者散之之義好古曰手足少陽之藥治瘡瘍腐癰結核有神與柴胡同功但分氣血之異爾與鼠粘子同用治瘡瘍別有神功時珍曰連翹狀似人心兩片合成其中有仁甚香乃少陰心經取陰包絡氣分主藥也諸痛癢瘡瘍皆屬心火故為十二經瘡家聖藥而煎治手足少陽手陽明三經氣分之熱也

附方

舊一
新二

瘰癧結核

連翹芝麻等分為末
時時食之

蘭便方

項邊馬刀

屬少陽經用連翹二斤瞿麥一斤大黃三兩甘草半兩每用一兩以水一盞半煎七分食後熱服十餘日

後灸臨泣穴二十七壯六十日
決效 張潔古活法機要 痔瘡腫痛連翹煎湯熏洗後以刀上

飛過綠蓉入麝香
貼之 集驗方

翹根氣味甘寒平有小毒普曰神農雷公甘有毒李當之苦好古曰苦寒

主治下熱氣益陰精令人面悅好明目久服輕身耐

老本經以作蒸飲酒病人別錄治傷寒熱欲發黃時珍

發明本經曰翹根生蒿高平澤二月八月採弘景曰方藥不用人無識者好古曰此即連翹根也能

下熱氣故張仲景治傷寒熱在裏麻黃連軹赤小豆湯用之注云即連翹根也

附方 新癰疽腫毒連翹草及根各一升水一斗六升煎汁三升服取汗外臺秘要

陸英

本經
下品

釋名

解見
下文

集解

別錄曰陸英生熊耳川谷及宛句立秋採恭曰此即蒴藿也古方無蒴藿惟言陸英後人不識

浪出蒴藿條此葉似芹及接骨花三物亦同一類故
芹名水英此名陸英又有接骨名木英樹此三英也
花葉並相似志曰蘇恭以陸英蒴藿為一物今詳陸
英味苦寒無毒蒴藿味酸溫有毒既此不同難謂一
種蓋其類爾宗奭曰蒴藿與陸英性味及出產皆不
同治療又別自是二物斷無疑矣頌曰本草陸英生
熊耳川谷及宛句蒴藿不載所出州土但云生田野
所在有之春抽苗莖有節節間生枝葉大似水芹春
夏採葉秋冬採根莖陶蘇皆以為一物馬志以性味
不同疑非一種亦不能細別但爾雅木謂之華草謂

之榮不榮而實謂之秀榮而不實謂之英此物既有英名當是其花故本經云立秋採正是其花時也時珍曰陶蘇本草甄權藥性論皆言陸英即蒴藿必有分根莖花葉用如蘇頌所云也

氣味苦寒無毒

權曰陸英一名蒴藿味苦辛有小毒

主治骨間諸痺四

肢拘攣疼酸膝寒痛陰痿短氣不足脚腫本經能將風毒脚氣上衝心煩悶絕水氣虛腫風瘙皮膚惡痒煎

湯入少酒浴之妙甄權

蒴藿

音朔弔
別錄下品

釋名董草

別錄接骨草

集解

別錄曰蒴藋生田野春夏採葉秋冬採莖根弘景曰田野墟村甚多恭曰此陸英也剝出此條

爾雅云蒴藋草郭璞注云烏頭苗也檢三董別名亦無此者別錄言此一名董草不知所出處宗奭曰蒴藋花白子初青如綠豆顆每朵如盞面大又平生有一二百子十月方熟紅時珍曰每枝五葉說見陸英下

氣味酸温有毒

大明曰苦涼無毒

主治風瘙癩癬身癢濕痺

可作浴湯

別錄浴癩風痺

附方

葛十二新七

手足偏風

蒴藋葉火燎厚鋪牀上趁熟眠於上冷復易之冬月取根

春碎熬熟用 風濕冷痺 上方同 寒濕腰痛 上方同 脚氣脛

腫 骨疼 荊藿根 研碎和酒醋共三分根下合蒸熟 封裹腫上一二日即消亦治不仁 千金方 渾

身水腫 坐臥不得 取荊藿根去皮搗汁一合 和酒一合煖服當微吐利 梅師方 頭風作

痛 荊藿根二升酒二升煮 頭風旋運 起倒無定 荊藿 獨活白石膏各

一兩枳實炒七錢半每服三錢 產後血暈 心悶煩熱 酒一盞煎六分服 聖惠方 用接骨草

即荊藿破如筭子一握水一升煎半升分二 服或小便出血者服之亦瘥 衛生易簡方 產後惡

露 不除續骨木二十兩剉水一斗 瘡疾不止 荊藿一 煮三升分三服即下 千金方 大握灸

令赤色以水濃煎一盞 卒暴癥塊 堅如石作痛欲死 欲發前服 斗門方 取荊藿根一小束

洗淨細擘以酒二升漬三宿溫服五合至一升日三服若欲連用於熱灰中溫出藥味服之此方無毒已

愈十人矣神驗藥盡
再作之 古今錄驗 鼈瘕堅硬 腫起如盆眠臥不

握搗汁和水 下部閉塞 荊藿根一把搗汁水和絞去
服 千金方 萍強人每服一升 外臺秘

要一切風癩 荊藿煮湯和少酒塗 小兒赤遊 上下遊
之無不瘥 梅師方 行至心

即死荊藿煎汁洗 五色丹毒 荊藿葉搗傅 癰腫惡肉
之 子母秘錄 之 千金方

不消者荊藿灰石灰各淋取汁合煎如膏傅之能蝕
惡肉亦去瘡疔此藥過十日即不中用也 千金方

手足疣目 荊藿子條爛塗 熊羆傷人 荊藿一大把以
目上 聖惠方 水一升漬須臾

取汁飲以滓封之
張文仲備急方

水英

宋圖經

釋名魚津草

頌曰唐天寶單方圖言此草原生永陽池澤及河海邊臨汝人呼為牛薺草河

北信都人名水節河內連內黃呼為水棘劍南遂寧等郡名龍移草淮南諸郡名海荏嶺南亦有土地尤宜莖葉肥大名海精木亦名魚津草時珍曰此草不著形狀氣味無以考證片菜亦名水英不知是否也

氣味 缺

主治骨風

蘇頌

發明

頌曰蜀人採其花合面藥凡丈夫婦人無故兩脚腫滿連膝脛中痛屈伸急強名骨風其疾不

宜針灸及服藥惟每日取此草五斤以水一石煮三斗及熱浸并淋膝上日夜三四度不經五日即瘥數

用神驗其藥春取苗夏採葉及花冬用根腫甚者加生椒目三升水二斗用畢即摩粉避風忌油膩生菜

猪油

等物

藍

本經上品

釋名時珍曰按陸佃埤雅云月令仲夏令民無刈藍以染鄭玄言恐傷長養之氣也然則刈藍先王

有禁制字從監以此故也

集解別錄曰藍實生河內平澤其莖葉可以染青以景曰此即今染縹碧色用者以尖葉者為勝

曰藍有三種一種葉圓徑二寸許厚三四分者堪染青色出嶺南太常名為木藍子陶氏所說乃是菘藍其汁拌為澱甚青者本經所用乃是蓼藍實也其苗似蓼而味不辛為澱惟作碧色爾頌曰藍處處有之

人家蔬圃作畦種至三月四月生苗高三二尺許葉似水蓼花紅白色實亦若蓼子而大黑色五月六月采實但可染碧不堪作澱此名蓼藍即醫方所用者也別有木藍出嶺南不入藥有菘藍可為澱亦名馬藍爾雅所謂箴馬藍是也又揚州一種馬藍四時俱有葉類苦蕒菜土人連根採服治敗血江寧一種吳藍三月內生如蒿葉青花白亦解熱毒此二種雖不類而俱有藍名且古方多用吳藍或恐是此故并附之宗奭曰藍實即大藍實也謂之蓼藍者非是乃爾雅所謂馬藍者解諸藥毒不可闕也實與葉兩用註不解實只解葉為未盡時珍曰藍凡五種各有主治惟藍實專取蓼藍者蓼藍葉如蓼五六月開花成穗細小淺紅色子亦如蓼箴可三刈故先王禁之菘藍葉如白菘馬藍葉如苦蕒即郭璞所謂大葉冬藍俗中所謂板藍者二藍花子並如蓼藍吳藍長莖如蒿而花白吳人種之木藍長莖如决明高者三四尺分

枝布葉葉如槐葉七月開淡紅花結角長寸許纍纍如小豆角其子亦如馬蹄決明子而微小迥與諸藍不同而作澀則一也別有甘藍可食見本條蘇恭以馬藍為木藍蘇頌以菘藍為馬藍宗奭以藍實為大藥藍之實皆非矣今並開列於下

藍實氣味苦寒無毒

權曰

主治解諸毒殺蠱蚊疰鬼

螫毒久服頭不白輕身

本經

蚊音

填骨髓明目

利五臟調六腑通關節治經絡中結氣使人健少睡

益心力

甄權

療毒腫

蘇恭

藍葉汁

此蓼藍也

氣味苦甘寒無毒主治殺百藥毒解狼

毒射罔毒

別錄弘景曰解毒不得生
藍汁以青襟布漬汁亦善

汁塗五心止煩

悶療蜂螫毒

宏景斑蝥光青樗雞毒朱砂砒石毒

時珍

馬藍主治婦人敗血連根焙搗下節酒服一錢七

蘇恭

吳藍氣味苦甘冷無毒主治寒熱頭痛赤眼天行熱

狂丁瘡遊風熱毒腫毒風癩除煩止渴殺疔解毒藥

毒箭金瘡血悶毒刺蟲蛇傷鼻衄吐血排膿產後血

運小兒壯熱解金石藥毒射罔毒

大明

發明

震亨曰藍屬水能使敗血分歸經絡時珍曰諸
藍形雖不同而性味不遠故能解毒除熱惟木

藍藥力似少劣藍子則專用蓼藍者也至於用澱與青布則是刈藍浸水入石灰澄成者性味不能不少異不可與藍汁一槩論也有人病嘔吐服玉壺諸丸不效用藍汁入口即定蓋亦取其殺蟲降火爾如此之類不可不知頌曰藍汁治蟲牙傷劉禹錫傳信方著其法云取大藍汁一盞入雄黃麝香二物少許以點咬處仍細服其汁神異之極也張薦員外住劔南張延賞判官忽被斑蜘蛛咬頭上一宿咬處有二道赤色細如箸繞項上從胃前下至心經兩宿頭而腫疼大如數升藍肚漸腫幾至不救張公出錢五百千并薦家財又數百千募能療者忽一人應召云可治張公甚不信之欲驗其方其人云不諳方但療人性命爾遂取大藍汁一盞以蜘蛛投之至汁而死又取藍汁加麝香雄黃更以一蛛投入隨化為水張公因甚異之遂令點於咬處兩日悉平作小瘡而愈

附方

舊十一
新六

小兒赤痢

搗青藍汁二升分
四服

子母秘錄

小兒中蠱

下血欲死搗青藍汁頻服之聖惠方

陰陽易病

傷寒初愈交合陰陽必病拘急手足拳小腹急

熱頭不能舉名陰陽易當汗之滿四日難治

藍

驚癇

發熱

乾藍凝水石等分為末水調傅頭上

聖惠方

上氣欬嗽

呬呀息氣喉中作聲唾粘

以藍葉水浸搗汁一升空腹頻服須臾以杏仁研汁煮粥食之一兩日將息依前法更服吐痰盡方瘥

梅師

飛血赤目

熱痛乾藍葉切二升車前草半兩淡竹葉切三握水四升煎二升去滓溫

洗冷即再煖

以瘥腹中蠱癥

藍葉一升搗以水三升

絞汁服一升日二次

千金

應聲蟲病

腹中有物作聲隨人語言名應聲蟲病用板藍汁一盞分五服效

夏子

益奇 卒中水毒 搗藍青汁傅頭身 服藥過劑 煩悶及
絕方 肘後方 今臣 肘後方 中 毒 煩

悶欲死 搗藍汁 服 卒自縊死 以藍汁灌之 毒箭傷人
數升 肘後方 千金方

藍青搗飲并傅之如無藍 唇邊生瘡 連年不瘥以八
以青布漬汁飲 肘後方 月藍藥一斤搗

汁洗之不過三 齒齲腫痛 紫藍燒灰傅之日 白頭禿
度瘡 千金方 五度 聖惠方

瘡 真藍煎汁類 天泡熱瘡 藍葉搗傅之 瘡疹不快 藍
洗 聖濟錄 良 集簡方 板

根一兩甘草一分為末每服半錢或一錢取雄雞
冠血三二點同溫酒少許調下 錢氏小兒方

藍澱目綱

釋名 時珍曰澱石殿也其滓澄殿在下也亦作淀俗
作靛南人掘地作坑以藍浸水一宿入石灰攪

至千下澄去水則青黑色亦可乾收用染青碧
其攪對浮沫掠出陰乾謂之靛花即青黛見下

氣味辛苦寒無毒主治解諸毒傳熱瘡小兒禿瘡熱

腫藏 止血殺蟲治噎膈

時珍

發明

時珍曰澱乃藍與石灰作成其氣味與藍稍有不同而其止血拔毒殺蟲之功似勝於藍按廣

五行記云唐永徽中絳州一僧病噎不下食數年臨終命其徒曰吾死後可開吾胃喉視有何物苦我如此及死其徒依命開視胃中得一物形似魚而有兩頭遍體悉似肉鱗安鉢中跳躍不已戲投諸味雖不見食皆化為水又投諸毒物亦皆銷化一僧方作澱澱因以少澱投之即怖懼奔走須臾化成水世傳澱水能治噎疾蓋本於此今方上或以染瓶水飲人治噎膈皆取其殺蟲也

附方新時行熱毒

心神煩躁用藍澱一匙新汲水一盞服

聖惠方 小兒熱

丹

藍澱傳之秘錄方

口鼻急疳

數日欲死以藍澱傳之今通日十度夜四度 千金方

誤吞水蛭

青靛調水飲即瀉出 普濟方

青黛

宋開寶

釋名靛花

綱目

青蛤粉

時珍曰黛眉色也劉熙釋名云滅去眉毛以此代之故謂之黛

集解

志曰青黛從波斯國來今以太原并廬陵南康等處染澱寶上沫紫碧色者用之與青黛同功

時珍曰波斯青黛亦是外國藍靛花既不可得則中國靛花亦可用或不得已用青布浸汁代之貨者復以乾澱充之然有石灰入服餌藥中當詳之

氣味鹹寒無毒

權曰
甘平

主治解諸藥毒小兒諸熱驚瀇

發熱天行頭痛寒熱並水研服之亦磨傅熱瘡惡腫

金瘡下血蛇犬等毒

開寶

解小兒疳熱殺蟲

甄權

小兒丹

熱和水服之同雞子白大黃末傅瘡癰蛇虺螫毒

藏器

瀉肝散五臟鬱火解熱消食積

震亨

去熱煩吐血咯血

斑瘡陰瘡殺惡蟲

時珍

發明

宗奭曰青黛乃藍為之者有一婦人患臍下腹
上下連二陰遍生濕瘡狀如馬爪瘡他處並無

痒而痛大小便澀出黃汁食亦減身面微腫醫作惡
瘡治用鱧鱗魚松脂黃丹之藥塗之熱痛甚問其人

嗜酒食喜魚蟹發風等物急令洗其膏藥以馬齒莧
 四兩杵爛入青黛一兩再研勻塗之即時熱減痛痒
 皆去仍以八正散日三服之分收客熱藥乾即上如
 此二日減三分之一五日減三分之二二十日愈此
 蓋中下焦蓄風熱毒氣也若不出當作腸癰內
 痔仍須禁酒色發風物然不能禁後果患內痔

附方

舊六
新七

心口熱痛

薑汁調青黛一錢服之

醫學正傳

內熱吐血

青黛

二錢新汲水

肺熱咯血

青餅子用青黛一兩杏仁以
 牡蠣粉炒過一兩研勻黃蠟

化和作三十餅子每服一餅以乾柿半箇夾定濕
 紙裹煨香嚼食粥飲送下日三服 華佗中藏經小

兒驚癇

青黛量大小水研服之 生生編

小兒夜啼

上方同

小兒疳痢

宮氣方歌云孩兒雜病變成疳不問強羸女與男煩
 熱毛焦鼻口燥皮膚枯槁四肢癱腹中時時更下痢

青黃赤白一般般眼濕面黃鼻孔赤穀道開張耳疔
不可看此方便是青黛散孩兒百病服之安

出汗

青黛黃蘗末乾搽

爛弦風眼

青黛黃連泡湯日洗

產後

發狂

四物湯加青黛水煎服

傷寒赤斑

青黛二錢水研服活人書

豌豆

瘡毒

未成膿者波斯青黛一末許水研服

瘰癧未穿

敲花馬齒莧同搗日日塗

傅取効簡便方

諸毒蟲傷

青黛雄黃等分研末新汲水服二錢古今錄驗

附錄雀翹

別錄有名未用曰味鹽益氣明目生藍中葉細黃莖赤有刺四月實鏡黃中黑五月

採陰乾一名去母一名更生

甘藍

拾遺

校正

自菜部移入此

釋名藍菜

金

集解

藏器曰此是西土藍也藥潤可食時珍曰此亦大葉冬藍之類也按胡洽居士云河東隴西羌

胡多種食之漢地少有其葉長大而厚煮食甘美經冬不死春亦有英其花黃生角結子其功與藍相近也

氣味甘平無毒主治久食大益腎填髓腦利五臟六腑利關節通經絡中結氣心下結伏氣明目健人少睡益心力壯筋骨作菹經宿色黃和鹽食治黃毒

藏器

子主治人多睡

思遊

蓼

本經中品

校正

自菜部移入此

釋名

時珍曰蓼類皆高楊故字從蓼音料高飛貌

集解

別錄曰蓼實生雷澤川澤宏景曰此類多人所食有三種一是青蓼人家常用其葉有圓有尖

以圓者為勝所用即此也一是紫蓼相似而紫色一是香蓼相似而香並不甚辛好食保昇曰蓼類甚多有青蓼香蓼水蓼馬蓼紫蓼赤蓼木蓼七種紫赤二種葉小狹而厚青香二蓼葉亦相似而俱薄馬水二蓼葉俱潤大上有黑點水蓼一名天蓼蔓生葉似柘葉六蓼花皆紅白子皆大如胡麻赤黑而夫扁惟木蓼花黃白子皮青滑諸蓼並冬死惟香蓼宿根重生可為生菜頌曰木蓼亦有大小二種皆蔓生陶氏以

青蓼入藥餘亦無用三茅君傳有作白蓼者方藥譜
無白蓼疑即青蓼也宗奭曰蓼實即草部下品水蓼
之子也彼言水蓼是用莖此言蓼實是用子也春初
以壺盧盛水浸濕高挂火上日夜使暖遂生紅芽取
為蔬以備五辛盤時珍曰韓保昇所說甚明古人種
蓼為蔬收子入藥故禮記烹雞豚魚鼈皆實蓼于其
腹中而和羹膾亦須切蓼也後世飲食不用人亦不
復裁惟造酒麴者用其汁耳今但以平澤所生香蓼
青蓼紫
蓼為良

實氣味辛溫無毒

權曰多食吐
水壅氣損陽

主治明目溫中耐風寒下水氣面浮腫癰瘍

本經歸鼻

除腎氣去癰瘍止霍亂治小兒頭瘡

甄權

附方

舊一新三

傷寒勞復

因交後卽腫或縮入腹痛芩子一把水按汁飲一升肘後方

霍亂煩渴

芩子一兩香薷二兩每服二錢水煎服

聖惠小兒頭瘡

芩子為末蜜和

雞子白同塗之蟲出

蝸牛咬毒

毒行徧身者芩子煎水浸之立愈不可近

陰令弱也

陳藏器本草

苗葉氣味辛溫無毒

思邈曰黃帝云食芩過多有毒發心痛和生魚食令人脫氣陰

核痛求死二月食芩傷人胃扁鵲云久食令人寒熱損髓減氣少精婦人月事來時食芩蒜變為淋與大

麥麵

相宜

主治歸舌除大小腸邪氣利中益志

別錄乾之釀酒主

風冷大良

宏景

作生菜食能入腰脚煮湯捋脚治霍亂

轉筋煮汁日飲治瘧癘搏爛傳狐尿瘡

藏器

脚暴軟赤

蓼燒灰淋汁浸之以桑葉蒸罾立愈

大明

殺蟲伏砒

時珍

附方

舊四新三

蓼汁酒

治胃脘冷不能飲食耳日不聰四肢有氣冬臥足冷八月三月取

蓼日乾如五升大六十把水六石煮取一石去滓拌未飯如造酒法待熟日飲之十日後目明氣壯也

千金方

肝虛轉筋

吐瀉赤蓼莖藥切三合水一盞酒三合煎至四合分二服聖惠方

亂轉筋

蓼葉一升水三升煮取汁二升入香豉一升更煮一升半分三服藥性論

夏月

渴死

濃煮蓼汁一盞服

外臺小兒冷痢

服

蓼葉搗汁

血氣攻心痛

千金

可忍蓼根洗剉惡犬咬傷蓼葉搗泥
浸酒飲 斗門 傳 肘後

水蓼

唐本草

解名虞蓼

爾雅澤蓼

志曰生於淺水澤中故名水蓼時珍曰按爾雅云蓄虞蓼也山夾水

曰

集解

恭曰水蓼生下濕水旁葉似馬蓼大于家蓼莖赤色水按食之勝于蓼子宗奭曰水蓼大槩與

水薹相似但枝瓜耳今造酒取葉以水浸汁和麩作麴亦取其辛耳時珍曰此乃水際所生之蓼葉長五六寸比水薹葉稍狭比家蓼葉稍大而功用彷彿故寇氏謂蓼實即水蓼之子者以此故

莖葉氣味辛無毒

大明 主治蛇傷搗傳之絞汁服之

止蛇毒入腹心悶又治脚氣腫痛成瘡水煮汁漬搗

之唐

本

馬蓼

綱目

釋名大蓼綱目墨記草

時珍曰凡物大者皆以馬名之俗呼大蓼是也高四五尺有大

小二種但每葉中間有黑跡如墨點記故方士呼為墨記草

集解

宏景曰馬蓼生下濕地莖斑葉大有黑點亦有兩三種其最大者名龍莖即水薹也

莖葉氣味辛溫無毒

時珍曰伏丹砂雌黃

主治去腸中蛭蟲輕

身

經本

葑草

別錄
中品

校正

併入有名未
用別錄天蓼

釋名鴻藟

音龍古

一作

遊龍

詩

石龍

別

天蓼

別

大蓼

時珍曰此蓼甚大而花亦繁紅故曰葑曰鴻鴻亦大也別錄有名未用草部中有天蓼云一名石龍生水

中陳藏器解云天蓼即水葑一名遊龍一名大蓼據此則二條乃一指其實一指莖葉而言也今併為一

集解別錄曰葑生水旁如馬蓼而大五月採實宏景曰今生下濕地甚多極是馬蓼而甚長大詩稱隰有遊龍郭璞云即龍古也頌曰葑即水葑也似蓼而葉大赤白色高丈餘爾雅云葑龍古其大者歸音詭陸機云遊龍一名馬蓼然馬蓼自是一種也時珍曰其莖粗如拇指有毛其葉大如商陸葉色淺紅成穗秋深子成扁如酸棗仁而小其色赤黑而肉白不甚辛炊燭可食

實氣味鹹微寒無毒主治消渴去熱明目益氣

別錄

附方

舊一
新一瘰癧

水薤子不以多少一半微炒一半生用同研末食後好酒調服二錢日三

服已破者亦治久則效效則止

寇宗奭本草衍義

癖痞腹脹及堅硬如盃盞者用水薤花子

一升另研獨顆蒜三十箇去皮新狗腦一箇皮硝四兩石曰搗爛攤在患處上用油紙以長白束之酒時貼之次日辰時取之未效再貼二三次倘有膿潰勿怪仍看虛實日逐間服錢氏白餅子紫霜丸塌氣丸消積丸利之磨之服至半月甚者一月無不瘥矣以喘滿者為實不喘者為虛

蘭氏經驗方

花主治散血消積止痛

時珍

附方

新
三胃脘血氣

作痛水薤花一大撮水二鍾煎一鍾服百戶毛菊庄屢驗方也

董

炳避水心氣疔痛水薤花為末熟酒服二錢又法男

集驗方用酒水各半煎服女入用醋水各

半煎服一婦年三十病腹中痞積水薤花或子一盞

此一服立效摘元方以水三盞用桑柴

丈武火煎成膏量痞大小攤貼仍以酒調膏

服忌腥葷油膩之物劉松石保壽堂方

天蓼別錄時珍曰此指莖葉也氣味辛有毒主治惡瘡去痺氣

根莖除惡瘡腫水氣脚氣煮膿汁漬之蘇頌

附方新生肌肉水薤花根煎湯淋洗仍以其葉曬乾

方一驗研末撒瘡上每月一次談莖翁試

毛蓼拾遺

集解

藏器曰毛蔘生山足似馬蔘葉上有毛冬根不死時珍曰此即蔘之生于山麓者非澤瀉之蔘也

莖葉氣味辛溫有毒主治癰腫疽瘰癧杵碎納瘡

中引膿血生肌亦作湯洗煎濯足治脚氣

藏器

海根

拾遺

集解

藏器曰生會稽海畔山谷莖赤葉似馬蔘根似菝葜而小胡人蒸而用之也

根氣味苦小溫無毒主治霍亂中惡心腹痛鬼氣症

忤飛尸喉痺蓋毒癰疽惡腫赤白遊癩蛇咬大毒酒

及水磨服并傳之藏器

火炭母草

宋圖經

集解

頌曰生恩州原野中莖赤而柔似細麥葉端尖近梗形方夏有白花秋實如椒青黑色味甘可

食

葉氣味酸平有毒主治去皮膚風熱流注骨節癱腫疼痛不拘時采於坭器中搗爛以鹽酒炒傳腫痛處

經宿一易之蘇頌

三白草

唐本草

釋名

宏景曰葉上有三白點俗因以名又見下

集解

恭曰三白草生池澤畔高尺許葉似水荇亦似蕺又似菝葜葉上有三黑點非白也古人秘之

隱黑為白爾根如芹根黃白色而粗大藏器曰此草初生無白入夏葉端半白如粉農人候之蒔田三葉白則草便莠故謂之三白若云三黑點蘇未識矣其葉如薯蕷亦不似水荇保昇曰今出襄州二月八月采根用時珍曰三白草生田澤畔八月生苗高二三尺莖如蓼葉如章陸及青箱四月其顛三葉而上三次變作白色餘葉仍青不變俗云一葉白食小麥二葉白食梅杏三葉白食黍子五月開花成穗如蓼花狀而色白微香結細實根長白虛軟有節鬚狀如泥菖蒲根造化指南云五月採花及根可制雄黃蘇恭言似水荇有三黑點者乃馬蓼非三白也藏器所說雖是但葉亦不似薯蕷

氣味甘辛寒有小毒主治水腫脚氣利大小便消痰

破癖除積聚消疔腫

唐本

搗絞汁服令人吐逆除瘡及

胸膈熱痰小兒痞滿

藏器

根療脚氣風毒脛腫擣酒服

亦甚有驗又煎湯洗癖瘡

時珍

蠶繭草

拾遺

集解

藏器曰生濕地如蓼大莖赤花白東土亦有之

氣味辛平無毒主治諸蟲如蠶類咬人恐毒入腹煮

服之亦擣傅諸瘡

藏器

蛇蘭草

拾遺

集解

藏器曰：生平地，葉似苦枝而小，節赤，高一二尺。種之，辟蛇。又一種草，莖圓似芋，亦傅蛇毒，慎微。

曰：按百一方云：關東有草，狀如芋莖，方節赤，按傅蛇毒，如摘却，然名蛇蘭草。又有鼠蘭草，即後莽草。

氣味 缺

主治 蛇虺毒蟲等螫，取根葉搗傅咬處，當下。

黃水

藏器

虎杖

別錄中品

釋名 苦杖

拾遺

大蟲杖

藥性

斑杖

日華

酸杖

時珍

曰杖言其

斑也

或云一名杜牛膝者，非也。一種斑杖似蕪頭者，與此同名異物。

集解

宏景曰田野甚多狀如大馬蓼莖斑而葉圓保昇曰所在有之生下濕地作樹高丈餘其莖赤

根黃二月三月採根日乾頌曰今出汾州越州滁州處處有之三月生苗莖如竹笋狀上有赤斑點初生便分枝子葉似小杏葉七月開花九月結實南中出者無花根皮黑色破開即黃似柳根亦有高丈餘者爾雅云荼虎杖郭璞注云似葑草而粗大有細刺可以染赤是也宗奭曰此草藥也蜀本言作木高丈餘者非矣大率皆似寒菊然花葉莖蓋差大為異仍莖葉有淡黑斑六七月旋旋開花至九月中方已花片四出其色如桃花差大而外微深陝西山麓水次甚多數曰凡使勿誤用天藍及斑袖根二味根形味皆相似也機曰諸註或云似葑似杏似寒菊各不相侔豈所產有不同耶時珍曰其莖似葑蓼其葉圓似杏其枝黃似柳其花狀似菊色似桃花合而觀之未嘗不同也

根脩治

斲曰採得細剉却用葉包一夜晒乾用

氣味微溫

權曰甘平無毒宗奭曰味微苦今天下暑月多煎根汁為飲不得甘草則不堪飲本

丈不言味藥性論云甘是甘草之味非虎杖味也

主治通利月水破留血癥

結別錄

漬酒服主暴寢

宏景

風在骨節間及血瘀煮作酒

服之

藏器

治大熱煩躁止渴利小便壓一切熱毒

甄權

治

產後血運惡血不下心腹脹滿排膿主療癰撲損瘀

血破風毒結氣

大明

燒灰貼諸惡瘡焙研煉蜜為丸陳

米飲服治腸痔下血

蘇頌

研末酒服治產後瘀血血痛

及墜撲昏悶有效

時珍

發明

權曰暑月以根和甘草同煎為飲色如琥珀可

煖甚甘美瓶置井中令冷澱如水時人呼為冷

飲子啜之且尊於茗極解暑毒其汁染米作糜糕益

美搗末浸酒常服破女子經脈不通有孕人勿服時

珍曰孫真人千金方治女人月經不通腹內積聚虛

脹雷鳴四肢沉重亦治丈夫積聚有虎杖煎取高地

虎杖根剉二斛水二石五斗煮取一斗半去滓入醇

酒五升煎如錫每服一合以知為度又許學士本事

方治男婦諸般淋疾用苦杖根洗淨剉一合以水五

合煎一盞去滓入乳香麝香少許服之鄆縣尉耿夢

得內人患沙石淋已十三年每澁痛楚不可忍溺器

中小便下沙石剝剝有聲百方不效偶得此方服之

一夕而愈乃

予目擊者

附方

新三

舊三 小便五淋

苦杖為末每服二錢用飯飲下 集驗方

月水不利

虎杖三兩凌宵花沒藥一兩為末熱酒每服一錢又方治月經不通腹大如甕氣短死虎杖一斤去頭

暴乾切土瓜根汁牛膝汁二斗水一斛浸虎杖一宿煎取二斗入二汁同煎如錫每酒服一合日再夜一

宿血當下

聖惠方

時疫流毒

攻手足腫痛欲斷用虎杖根到煮汁漬之

肘後方 腹中

暴癥

硬如石痛刺不治百日內死取虎杖根勿令影臨水上可得石餘洗乾搗末稌米五升炊飯納入

攪之好酒五斗漬之封候藥消飯浮可飲一升半勿食鮭魚及鹽但取一斗乾者薄酒浸飲從少起日三

服亦佳癥當下也此方治癥大勝諸藥也 外臺秘要

氣奔怪病

人忽遍身皮底混混如波

浪聲痒不可忍抓之血出不能解謂之氣奔以苦杖人參青鹽細辛各一兩作一服水煎細飲盡便愈

夏子益消渴引飲虎杖燒過海浮石烏賊魚骨丹砂等分為末渴時以麥門冬湯服二

錢日三次忌酒色魚麩鮮醬生冷衛生家寶方

猶

拾遺

校正

併入有名未用別錄馬唐

釋名馬唐

別錄

馬飯

別錄

羊麻

別錄

羊粟

別錄

蔓子

爾雅

軒于藏

曰馬食之如餲如飯故名馬唐馬飯時珍曰羊亦食之故曰羊麻羊粟其氣瘡臭故謂之猶猶者瘡也朽木臭也此草莖頗似蔥而臭故左傳云一薰一蕕十年尚猶有臭是也孫升談圃以為香蒿者誤矣即別錄馬唐也今併為一

集解

別錄曰馬唐生下濕地莖有節生根五月採藏器曰生南方廢稻田中節節有根著土如結縷

草堪飼馬又曰猶生水田中
狀如結縷草而葉長馬食之

氣味甘寒無毒

葳器曰大寒

主治馬唐調中明目煎

別錄

取汁明目潤肺又曰猶消水氣濕痺脚氣頑痺虛腫
小腹急小便赤澀並合赤小豆煮食勿與鹽絞汁服

止消渴搗葉傅毒腫

葳器

篇蓄

音楠蓄本經下品

釋名扁竹

宏景

扁辮

吳普

扁蔓

吳普

粉節草

綱目

道生草

時珍

曰許

慎說文作扁筑與竹同音節間有粉多
生道旁故方士呼為粉節草道生草

集解

別錄曰蒨蓄生東萊山谷五月採陰乾宏景曰處處有之布地而生花節間白葉細綠人呼為

扁竹頌曰春中布地生道旁苗似瞿麥葉細綠如竹赤莖如釵股節間花出甚細微青黃色根如蒿根四五月採苗陰乾蜀圖經云二月日乾郭璞注爾雅云似小藜赤莖節好生道旁可食殺蟲是也或云爾雅王芻即此也時珍曰其葉似落帚葉而不尖弱莖引蔓促節三月開細紅花如蓼藍花結細子爐火家燒灰煉霜用一種水扁筑名薄音督出說文

氣味苦平無毒

權曰甘瀉

主治浸淫疥癩疽痔殺三蟲

本經

療女子陰蝕

別錄

煮汁飲小兒療虬蟲有驗

甄權

治霍亂

黃疸利小便小兒魁病

時珍

附方 舊六 新三 熱淋瀝痛

扁竹煎湯類 飲 生生編

熱黃疸疾

扁竹搗汁頓服

一升 多年者日再服之 藥性論

霍亂吐利

扁竹入豉汁中下五味 煮根食

食醫心鏡

丹石衝眼

服丹石人毒發衝眼 一握洗搗汁服之

腫痛扁竹根 食療本草

虻咬心

痛

食療治小兒虻咬心痛面青口中沫出臨死者 扁竹十斤剉以水一石煎至一斗去滓煎如飴

隔宿

勿食空心服一升蟲即下也仍常煮汁作飯 海上歌云心頭急痛不能當我有仙人海上

方篇蓄醋煎通口嚙 管教時刻使安康

蟲食下部

蟲狀如蝸牛食下部 作痒取蒿竹一把水

二升煮熟五歲兒空腹 服三五合 楊氏產乳

痔發腫痛

扁竹搗汁服一升 一二服未瘥再服

亦取汁和麩作餅 食日三次 藥性論

惡瘡痂痒

作痛扁竹搗封痂 落即瘥 肘後方

葦草

音燼
經下品

本

釋名黃草

吳普葦竹

唐本葦蓐

唐本炭草

綱目蟄草

音庚王芻

爾雅

鷓鴣脚莎

時珍曰此草綠色可染黃故曰黃曰綠也炭
蟄乃北人呼綠字音轉也古者貢草入染人

故謂之王芻而進忠者謂之蓋臣也詩云終朝採綠
不盈一掬許慎說文云炭草可以染黃漢書云諸侯
盥緩晉灼注云盥草出瑯琊似艾可染因以名緩皆
謂此草也禹錫曰爾雅葦王芻孫炎注云即葦蓐草
也今呼為鷓鴣脚莎詩
云葦竹猗猗是也

集解

別錄曰葦草生青衣川谷九月十月採可以染
作金色普曰生太山山谷恭曰青衣縣名在益

州西今處處平澤溪澗側皆有葉似竹而細薄莖
亦圓小荆裏人煮以染黃色極鮮好俗名葦蓐草

氣味苦平無毒

權曰神農雷公苦之才曰畏鼠負

主治久欬上氣喘

逆久寒驚悸痲疥白禿瘍氣殺皮膚小蟲經本治身熱

邪氣小兒身熱

吳普洗一切惡瘡有效大明

蒺藜

本經上品

釋名茨

爾雅旁通

本經

屈人

本經

止行

本經

休羽

本經

升推

宏景曰多

生道上及牆上葉布地子有刺狀如菱而小長安最饒人行多著木履今軍家乃鑄錢作之以布敵路名鐵蒺藜易云據于蒺藜言其凶傷詩云牆有茨不可掃也以刺梗穢方用甚稀時珍曰蒺藜也藜利也茨刺也其刺傷人甚疾而利也
屈人止行皆因其傷人也

集解

別錄曰蒺藜子生馮翊平澤或道旁七月八月採實暴乾頌曰冬月亦採之黃白色郭璞註爾

雅云布地蔓生細葉子有三角刺人是也又一種白蒺藜今生同州沙苑牧馬草地最多而近道亦有之綠葉細蔓綿布沙上七月開花黃紫色如豌豆花而小九月結實作莢子便可採其實味甘而微腥褐綠色色與蠶種子相類而差大又與馬藻子酷相類但馬藻子微大不堪入藥須細辨之宗奭曰蒺藜有二等一等杜蒺藜即今之道旁布地而生者開小黃花結芒刺一種白蒺藜出同州沙苑牧馬處子如羊內腎大如黍粒補腎藥今人多用風家惟用刺蒺藜也時珍曰蒺藜葉如初生皂莢葉整齊可愛刺蒺藜狀如赤根菜子及細菱三角四刺實有仁其白蒺藜結莢長寸許內子大如脂麻狀如羊腎而帶綠色今人謂之沙苑蒺藜

以此分別

子脩治

穀曰凡使棟浮蒸之從午至酉日乾木白春
令刺盪用酒拌再蒸從午至酉日乾用大明

日入藥不計丸

散並炒去刺用

氣味苦溫無毒

別錄曰辛微溫權曰甘有小毒志曰
其性宣通久服不冷而無壅熱當以

性溫為是之才
曰烏頭為之使

主治惡血破癥積聚喉痺乳難久服

長肌肉明目輕身

本經

身體風癢頭痛效逆傷肺肺痿

止煩下氣小兒頭瘡癰腫陰瘡可作摩粉

別錄

治諸風

癰瘍療吐膿去燥熱

甄權

治奔豚腎氣肺氣胸膈滿催

生墮胎益精療水藏冷小便多止遺瀝泄精溺血腫

痛大痔漏陰汗婦人發乳帶下蘇頌治風秘及虵蟲心

腹痛

時珍

白蒺藜氣味甘溫無毒主治補腎治腰痛泄精虛損

勞乏

時珍

發明

頌曰古方皆用有刺者治風明目最良神仙方亦有單服蒺藜法云不問黑白但取堅實者春

去刺用時珍曰古方補腎治風皆用刺蒺藜後世補腎多用沙苑蒺藜或以熬膏和藥恐其功亦不甚相遠也刺蒺藜炒黃去刺磨麩作餅或蒸食可以救荒

附方

舊九新八

服食法

蒺藜子一碩七八月熟時收取日乾春去刺杵為末每服二錢新汲

水調下日三服勿令中絕斷穀長生服之一年以後
冬不寒夏不熱二年老者復少髮白復黑落更生
服之三年身輕長

腰脊引痛

蒺藜子搗末蜜和丸胡
豆大酒服二九日三服

生神仙秘旨

外臺**通身浮腫**

杜蒺藜日日煎湯
洗之

卒中五尸

蒺藜子搗末蜜

秘要九胡豆大每服二九
日三服 肘後方

大便風秘

蒺藜子炒一兩猪牙
皂莢去皮酥炙五錢

為末每服一錢鹽
茶湯下 普濟方

月經不通

杜蒺藜當歸等分為末
米飲每服三錢 儒門

事**催生下衣**

難產胎在腹中并色衣不下及胎死者
蒺藜子貝母各四兩為末米湯服三錢

少頃不下再
服 梅師方

虵蟲心痛

吐清水七月七日採蒺藜子
陰乾方寸匕日三服 外臺

秘要**萬病積聚**

七八月收蒺藜子水煮熟曝乾蜜丸梧
子大每酒服七丸以知為度其汁煎如

飴服 三十年失明 補肝散用蒺藜子七月七日收陰乾搗散食後水服方寸七日二

外臺 牙齒動搖 疼痛及打動者土蒺藜去角生研五錢淡醬水半盞煎水入鹽溫漱甚效

或以根燒灰貼牙即 牙齒出血 不止動搖 白蒺藜末牢固也 卸藥院方 旦旦擦之 道藏經

打動牙疼 蒺藜子或根為末日 鼻塞出水 多年不開日指之 瑞竹堂方 香臭蒺藜

二握當道車碾過以水一大盞煮取半盞仰臥先滿口含飯以汁一合灌鼻中不過再灌嚏出一兩箇息

肉似赤蛹蟲即 面上癩痕 蒺藜子山卮子各一合為愈 聖惠方 末醋和夜塗旦洗 救急

方 白癩風疾 白蒺藜子六兩生擣為末每湯服二錢日二服一月絕根服至半月白處見紅

點神效 孫 一切丁腫 蒺藜子一升熬搗以醋和封頭拔根 外臺秘要

花主治陰乾為末温酒服二三錢治白癜風

宗奭

苗主治煮湯洗疥癬風瘡作癢

時珍

附方

舊二新

鼻流清涕

蒺藜苗二握黃連二兩水二升煎一升少少灌鼻中取嚏不過

再服

諸瘡腫毒

蒺藜蔓洗三寸截之以水五升煮取二升去滓納銅器中又煮取一

升納小器中煮如飴狀

蠅蝮尿瘡

逸身匝即死以蒺藜葉搗傅之無葉

用子
備急方

穀精草

宋開寶

釋名戴星草

開寶

文星草

綱目

流星草

時珍曰穀田餘氣所生故曰穀精志

曰白花似星故
有戴星諸名

集解

頌曰處處有之春生於穀田中葉莖俱青根花
並白色二月三月採花用花白小圓似星可餽

馬令肥主蟲類毛焦病又有一種莖梗長有節根微
赤出秦隴間時珍曰此草收穀後荒田中生之江湖
南北多有一科叢生葉似嫩穀秧抽細莖高四五寸
莖頭有小白花點點如亂星九月採花陰乾云二三
月採者
誤也

花氣味辛溫無毒

藏器曰甘平大明日
可結水銀成砂子

主治喉痺齒

風痛諸瘡疥

開寶

頭風痛目盲翳膜痘後生翳止血

時珍

發明

時珍曰穀精體輕性浮能上行陽明分野凡治
目中諸病加而用之甚良明目退翳之功似在

菊花之
上也

附方

舊一
新七

腦痛眉痛

穀精草二錢地龍三錢乳香一錢為末每用半錢燒煙筒中隨

左右熏鼻

聖濟錄

偏正頭痛

集驗方用穀精草一兩為末以白麪糊調攤紙花上貼痛處乾

換

聖濟方用穀精草末銅綠

鼻衄不止

穀精草為末熟麪湯

各一錢

硝石半分隨左右嚙鼻

鼻衄不止

穀精草為末熟麪湯

服二錢

目中翳膜

穀精草防風等分為末米飲服之甚驗

痘後

聖惠方

目中翳膜

穀精草防風等分為末米飲服之甚驗

明目方

痘後

目翳

隱澀淚出久而不退用穀精草為末以柿或猪肝片蘸食一方加蛤粉等分同入猪肝內煮熟

日食之又方見夜明

小兒雀盲

至晚忽不見物用羯羊肺一具不用水洗

沙邵真人濟急方

小兒雀盲

至晚忽不見物用羯羊肺一具不用水洗

竹刀剖開入穀精草一撮瓦罐煮熟日食之屢效忌

鐵器如不肯食炙熟搗作丸綠豆大每服三十九茶

下衛生 家寶方 小兒中暑 吐泄煩渴 穀精草燒存性 用器覆之 放冷為末 每冷米飲服半

錢保 幼大全

海金沙 宋嘉祐

釋名竹園萋 時珍曰其色黃如細沙也 謂之海者 神異之也 俗名竹園萋 象藥形也

集解 禹錫曰出黔中郡 湖南亦有生 作小株高一二尺 七月收其全科 於日中暴之 小乾以紙襯承

以杖擊之 有細沙落紙上 且暴且擊 以盡為度 時珍曰江浙湖湘川陝皆有之 生山林下 莖細如線 引於

竹木上 高尺許 其葉細如團萋 葉而甚薄 背面皆青 上多皺文 皺處有沙子 狀如蒲黃 粉黃赤色 不開花

細根堅強 其沙及草皆可入藥 方士采其草 取汁煮砂 縮賀

氣味甘寒無毒主治通利小腸得卮子馬芽消蓬沙

療傷熱狂或丸或散嘉祐治濕熱腫滿小便熱淋膏淋

血淋石淋莖痛解熱毒氣時珍

發明

時珍曰海金沙小腸膀胱血分藥也熱在二經血分者宜之

附方

舊一熱淋急痛海金沙草陰乾為末煎生甘草新五熱淋急痛湯調服二錢此陳總領方也一

加滑石臍下滿悶海金沙一兩臘南茶半小便不通兩搗碎每服三錢生薑甘草煎湯

下日二服亦可末夷堅志膏淋如油海金沙滑石各一兩甘草稍二錢半為末每服

二錢參門冬煎湯服血淋痛澀但利水道則清濁自日二次仁存方分海金沙末新汲水

或砂饴水服一
錢 普濟方 脾濕腫滿 腹脹如鼓喘不得臥海金沙散用海金沙三錢白朮

四兩甘草半兩黑牽牛頭末一兩為末每服一錢煎倒流水調下得利為妙 東垣蘭室秘藏 痘瘡

變黑 歸腎用竹園萋草煎酒傳 其身即發起 直指方

地楊梅 拾遺

集解 藏器曰生江東濕地苗如沙草四五月有子似楊梅也

氣味 辛平無毒 主治 赤白痢 取莖子煎湯服 藏器

水楊梅 綱目

釋名 地椒

集解

時珍曰生水邊條葉甚多生子如楊梅狀庚辛玉冊云地椒一名水楊梅多生近道陰濕處荒

田野中亦有之叢生苗葉似菊莖端開黃花實類椒而不赤實可結伏三黃白礬制丹砂粉霜

氣味辛溫無毒主治疔瘡腫毒

時珍

地蜈蚣草

綱目

集解

時珍曰生村落墜野間左蔓延右右蔓延左其葉密而對生如蜈蚣形其穗亦長俗呼過路蜈

蚣其延上樹者呼飛天蜈蚣根苗皆可用

氣味苦寒無毒主治解諸毒及大便不通搗汁療癰腫搗塗并末服能消毒排蜈蚣傷者入鹽少許搗塗

或末傅之時

珍

附方 新一切癰疽

及腸癰奶癰赤腫未破或已破而膿血不散發熱痛疼能食者並宜

排膿托裏散用地蜈蚣赤芍藥當歸甘草等分為末每服二錢溫酒下

和劑局方

半邊蓮

綱目

集解

時珍曰半邊蓮小草也生陰濕墜邊就地細梗引蔓節節而生細葉秋開小花淡紅紫色止

有半邊如蓮花狀

故名又呼急解索

氣味辛平無毒主治蛇虺傷搗汁飲以滓圍塗之又

治寒餉氣喘及瘡疾寒熱同雄黃各二錢搗泥盪內

覆之待色青以飯丸梧子大每服九丸空心鹽湯下

時珍

壽域方

紫花地丁

綱目

釋名箭頭草

綱目

獨行虎

綱目

羊角子

秘韞

米布袋

集解

時珍曰處處有之其葉似柳而微細夏開紫花結角平地生者起莖溝壑邊生者起蔓普濟方

云鄉村籬落生者夏秋開小白花如鈴兒倒垂葉微似木香花之葉此與紫花者相戾恐別一種也

氣味苦辛寒無毒主治一切癰疽發背疔腫瘰癧無

名腫毒惡瘡

時珍

附方

新入

黃疸內熱

地丁末酒服三錢 乾坤秘韞

稻芒粘咽

不得出者箭頭

草嚼嚙下

同上方

癰疽惡瘡

紫花地丁連根同倉耳葉等分搗爛酒一鍾攪汁服 楊誠經

驗方 癰疽發背

無名諸腫貼之如神 紫花地丁草三服時收以白麪和成鹽醋浸一夜貼之昔

有一尼發背夢得此方數

一切惡瘡

紫花地丁根日乾以罐盛燒烟

日而痊

孫天仁集効方

發背諸腫紫花地丁

對瘡熏之出黃水取

瘰癧丁瘡

根去粗皮同白蔘藥

盡愈 衛生易簡方

為末油和塗神

丁瘡腫毒 千金方用紫花地丁草搗

効 乾坤秘韞 方用紫花地丁草葱頭生蜜共

搗貼之若癰瘡加新黑牛屎

喉痺腫痛 箭頭草藥

研膏點入取

吐 普濟方

鬼針草

拾遺

釋名

藏器曰生池畔方莖葉有極子作釵脚著人衣如針北人謂之鬼針南人謂之鬼釵

氣味苦平無毒主治蜘蛛蛇咬杵汁服併傳藏器塗蠍

萬傷

時珍

附方

一新

割甲傷肉

不愈鬼針草苗鼠粘子根搗汁和臘猪脂塗千金

獨用將軍

唐本草

集解

恭曰生林野中節節穿葉心生苗其葉似楠不時采根葉用

氣味辛無毒主治毒腫乳癰解毒破惡血

恭

附方新下痢禁口
獨將軍草根有珠如豆者取珠搗
汁三匙以白酒半盃和服
蘭便

附錄留軍待
恭曰生劍州山谷葉似梅而細長采無
時味辛溫無毒主肢節風痛折傷瘀血

五緩
瘰癧

見腫消
宋圖
經

集解
頌曰生筠州春生苗葉莖紫色高一二
尺葉似桑而光面青紫赤色采無時

氣味酸澀有微毒主治消癰腫及狗咬搗葉貼之
蘇頌

附方新一切腫毒
及傷寒遺毒發于耳之前後及項
下腫硬用見腫消草生白及生白

欽王大黃生大薊根野苧麻根搗成餅入芒消一錢
和貼留頭乾即易之若加金線重樓及山慈姑尤妙
傷寒
蘊要

攀倒甌

經圖

釋解 頌曰生宜州郊野莖葉如薄荷一名斑杖一名
接骨時珍曰斑杖名同虎杖接骨名同蒟藿不

知是一
類否

氣味苦寒無毒主治解利風熱煩渴狂躁擣汁服甚

效 頌

水甘草


經圖

集解

頌曰生葑州多在水旁春生苗莖青葉如柳無花土人十月八月採單用不入衆藥

氣味甘寒無毒主治小兒風熱丹毒同甘草煎飲

蘇頌



本草綱目卷十六